

खयाल: विशेषांक

गुं पुल्लिया लसताय् खः गुं मखु गुं खँ !

१. 'हुप्प व स्याप्प' पि हरिवंश आचार्य व मदनकृष्ण श्रेष्ठया अन्तर्बर्ति जंगलनिसें शहरतक' न्यन ।
२. 'झीगु भाषामा थीबी पौ, थीबी अवस्था' खना: 'जनक-लाल सरया दुःख' जुल ।
३. छि 'ल्वा:कासा' सःसा 'शायरी' व 'पैरोडी' जक मखु 'गुल्ल कबिया गुं गू रसय् गुपु मुक्तक' सितिकं व्वना: 'हलू न्वाना: खँय् फवसा' नं काये दइतिनि ।
४. 'नेपाल भाषाया अजू खँव:' व्वनादिलकि थथे नं जुड-तिनि'

—'झी' या धापू

ਗੁਰਮਤਿ ਕੀ ਸਮਝ

ੴ ਸਤਿਨਾਮੁ ਕਰਤਾ ਹਰਿ

ਗੁਰਮਤਿ ਕੀ ਸਮਝ ੧
ਗੁਰਮਤਿ ਕੀ ਸਮਝ ੨
ਗੁਰਮਤਿ ਕੀ ਸਮਝ ੩
ਗੁਰਮਤਿ ਕੀ ਸਮਝ ੪
ਗੁਰਮਤਿ ਕੀ ਸਮਝ ੫
ਗੁਰਮਤਿ ਕੀ ਸਮਝ ੬
ਗੁਰਮਤਿ ਕੀ ਸਮਝ ੭
ਗੁਰਮਤਿ ਕੀ ਸਮਝ ੮
ਗੁਰਮਤਿ ਕੀ ਸਮਝ ੯
ਗੁਰਮਤਿ ਕੀ ਸਮਝ ੧੦

ਗੁਰਮਤਿ ਕੀ ਸਮਝ



नेपाल भाषाया लय्पौ
ख्यालः ल्याः

दं : २७ □ थ्यंल्याः : २०३
□ नेपाल संवत् १९०५, गुंला

सम्पादक
भूषणप्रसाद श्रेष्ठ

सहायक सम्पादक
रमेशकाजी स्थापित

प्रकाशक व व्यवस्थापक
पद्मरत्न तुलाधर

ज्याकुधि
४/४६३ ज्याःबहाः-दलाछि

छपुचः शायरी

-पुस्कर माथेमा

१. ह्लाःयात त्वपुइगु लंयात
सुइकाःतय्सं ञंच धायेगु याः
जनतायात ध्वंलाइपि द्रहंतयत्
मनूतय्सं षंच धायेगु याः ॥
२. सर्गतय् च्वंगु नगु मयः जितः
छाय्कि व जिगु ह्लातं न्हाये मदु
थौकल्लय् षन म्वाये मयः जितः
छाय्कि थन फसय् गनं न्याय मदु ॥
३. धः दयेकातःसां वा छक्कः बलकि
थनया सतक पुखू थें च्वने यः
बुह्लि जुइ धुकूसां यः यःहा जुलकि
नकतिनिया मुखू थें च्वने यः ॥
४. मतिनामि धोखा बियाः नुगल्य् लाःगु चोट थें च्वं थ्व जीवन
चुनावय् गन्ति मदुगु इनभाय्लिड भोट थें च्वं थ्व जीवन
अथे थें च्वं, अथे थें च्वं, गय् थें गय् थें च्वं थ्व जीवन
हासा-पसल्यां हे मकाःगु भ्वाथःगु तोट थें च्वं थ्व जीवन ॥
५. चुनाव बलकि छेय् छेय् बयाः
नेतातय्सं फु-मफु न्यं बये यः
नखः बलकि वेगः बेगल्य् वयाः
मय्जुपिसं भाजुपि स्वः बये यः ॥

नेपाल भाषाय् अजू-खँग्वः

- काजीलाल तमोट

नेपाल भाषाय् पलख यानागु मालेज्यां लुयावःगु छु अजू-खँग्वः क्वय् न्ह्यव्याचवना । थुपि खँग्वः अप्वःथे छगू मेगुलिसें अजूचायापुक्क स्वानाच्चंगु खनेदु । गथे—
१. ह्याय्कं । मनूया ख्वालय् धस्वाना च्वनीगु 'ह्याय्' खँग्वः व बन जंगलय् झाःपातय् धस्वाना च्वनीगु 'क'खँग्वः स्वानाः 'ह्याय्क' खँग्वः दयाच्चंगु जुल । ह्यापा ह्यापा सुं छह्य मनूया ह्यासय् कथं सुयाः छुजू छुजू जुइक स्यानाः तसकं सास्ति जुयाः थःगु ख्वाः भ्रम्हं खनीगु छुकीसं स्वःबलय् वं ह्याय् व कं छकवलं खंगुलि अथे खने दइगुयात काचाक्क 'ह्याय्क' धयाछ्वःगु जुइमाः ।

२. तिमिला । 'थ्व नं तयादिस' अर्थया 'ति', पुइयःगु 'मि' व म्येय् स्यानाः नयेगु 'ला'—थ्व स्वंगः खँग्वः पापा-चिनाः दयाच्चंगु जुयाच्चन । गथे धाःसां छगू जमानाय् छगू जंगलय् छथ्वः मतूत मुनाः चाध्वय् नयेत च्वंच्वन । छह्य ज्याथह्य मनू 'ला मी ति, ला मी ति' धकाः हाला-च्चन । तर खिउँसे च्वंगुलि मेपिसं व ज्याथम्हं धाःगु धाःहा ताः तर मिखां धाःसा मथू । उबलय् हे लाक्क च्वय् सर्गतं चन्द्रमा जहां थिनावःगु जः ववज्वबावल अले तिनि व ज्याथम्हं धाःगु खँ सकसियां मिखां थुल । अले सकलें 'ला मी ति, ला मी ति' धकाः हाल । उसांनिसें चन्द्रमा-यात हे 'लामीति' धाइगु जुयावन । लिपा पाचिनाच्चपि स्वह्य मध्ये न्ह्यस्यां पाः हिलाव्यूबलय् 'ति' जवय् व 'ला' खय् लावनाः 'ला मी ति' या 'तिमिला' जूवंगु जुया-च्चन । दथुइच्चंगु आखः 'मी' दीर्घयां ह्रस्व 'मि' गथे जू वन थइगु न्ह्यसः सुनानं तयेफु । थुकिया लिसः छु धाःसां जवखन च्वंपिसं पाः हिउबलय् 'मी' आखलं नं काचाक्क अःगु इकार जवं खय् हिउगु जुयाच्चन ।

३. लुमन व त्वःमन । थ्व निगः खँग्वःया ज्याना-ज्या लुयावःगु खँ झंहे न्ह्याइपुसे च्वं । व गथे धाःसां ह्यापा-ह्यापा सस्य युगय् लुं धयागु ह्यासुगु धातु तसकं क्यातु; मनाः तकं नयेज्यू । जिचाभाजुपिन्त लुं मनाः नकीगु चलन गुलिखे लिपातक नं दुगु खः । हः, आः थ्वहे चलन-कथं छकः छह्य यःमयः ल्याःचाः तयाः व्यवहार थाइह्य मभिह्य मनुखं थः न्ह्यथुह्य कलाःयात 'ल्वं मँ न' धयाथकीगु व थः यःह्य लिथुह्य कलाःयात धाःसा 'लुं मँ न' धकाः ह्लियं पिहां वने न्ह्यः धयाथकीगु जुयाच्चन । अले छेय् दुहां वयेसार्थं हानं निम्हं कलाःपिके पालंपाः— "जि ह्याचः छन्त छु धयाथकागु ?" धकाः न्यनीगु जुयाच्चन । न्ह्यथुह्य कलातं ख्वाः खिउँकाः "ल्वं मँ न" धकाः लिसः बीगु अले लिथुह्य कलातं लय्लय् तायाः ह्लिलाख्वाल "लुं मँ न" धकाः लिसः बीगु । लिपा व मनूया साप नुगः मदयावन । उकि वं छकः धयागु खँ हानं कलाःपिके न्यनीगु बुयावल । न्ह्यथुम्हं न्ह्यागु न्यसां ह्यापां ल्वं मँ न अले लिपा मस्यु 'मेगु छु धाः छु धाः' धकाः दिक्क चायाः लिसः बीगु । कतिलाःह्य चिधीह्य कलातं धाःसा न्ह्याबलें न्यासिन्यासि चायाः 'लुं मँ न' 'धायेधुंकाः धुकूया ताःचा बांलाक तया ति धयादीगु, बजां साक्क तयाति धया-दीगु' धकाः वं धाक्क फुक खँ पारापारां धयाछ्वइगु । उबलय् निसें थ्व 'लुं मँ न' व 'ल्वं मँ न' निगः पाचिना खँग्वः ज्यलावंगु खः । आः उकिया यौ-कह्लय्या रुप 'लुमन' व 'ल्वःमन' जुयाच्चन ।

नेपाल भाषाय् थुज्वःगु अजू-खँग्वः माला स्वतधाःसा यक्व हे लुयावइगु जि खनाच्चन ।

थथे न जुइतिनि

-परतु

छगू ई थुज्वःगु नं वइतिनि कि मनूत सीधुंकाः स्वर्ग
वा नर्क वनेत सीन्हाः भिसा-पासपोर्ट कायेत इव.छुना
चवने मालीतिनि ।

+ + +

मनूया आयु चीहाकः जुजुं अप्वलं अप्वः दछिजक
म्वाइगु जुइतिनि । उर्कि व दछिया दुने मनुखं आः
न्येदं खुइदया दुने याइगु फुककं ज्याखँ याये फयेके माली-
तिनि ।

+ + +

मनुखं छन्हु थुज्वःगु वैज्ञानिक ह्ताय्कं नं दयेका
हइतिनि गुगु ह्ताय्कनय् मनुखं थम्हं मतिइ तःगु खँ खँके
फइतिनि ।

+ + +

मनू छकः थपाय्सकं तःधिकः नं जुइतिनि कि उबलय्
मनूया छ्यनय् हानाः विमान दुर्घटना जुइगु खँ ह्तिहिया
सामान्य खँ थें जुया वनीतिनि ।

+ + +

जीव विज्ञानय् छकः थुज्वःगु परिवर्तन नं वइतिनि
कि मस्तसैं मां-अबु बुइकीतिनि ।

+ + +

थ्व संसारय् छकः जनसंख्या तसकं अप्वयाः थुलि
तःधंगु समस्या पिहां वइतिनि कि फुकक मनूतसैं छगू
निश्चित दया निश्चित तिथिइ अनिवार्य रूपं आत्महत्या
याये मालीतिनि ।

+ + +

नेपाःया आःया लैय् ट्राफिक जामया समस्या इलय्
ज्यंके मफुत धाःसा लिपा वनाः थ्व समस्या थुलि तःधना
वनीतिनि कि रत्नपार्क यलतक मोटरय् चवनाः वनधाःसा
दछि नं थ्वके मफइगु जुइतिनि ।

+ + +

टेलिभिजनया विकास छन्हु थुलितक नं जुइतिनि कि
उकी स्वर्गया छःपि स्वर्गया परितलिसैं डिस्को डान्स याना-
चवंगु दृश्य तकं स्वये खनीतिनि ।

+ + +

इन्जनीयरिंगया विकास थुलि जुइतिनि कि फोर्लिदग
कुसा थें फोर्लिदग छें नं दयेका हइतिनि ।

+ + +

आः वइगु छगू जमानाय् कवि लेखकतय् भाः थुलि
अप्वइतिनि कि इमिसं छपु म्ये चिनाः छगू लाख, छपु
बाखं चवयाः न्यागू लाख, छगू उपन्यास चवयाः छगू करोड
व छगू महाकाव्य चवयाः न्यागू करोड दां तक फिस
काइतिनि । उबलय् नुगः मुयाः डाक्टरत वेय् जुइतिनि,
इन्जनीयरत पागत जुइतिनि, वकीलतय् ह वइतिनि,
मन्त्रीतय् तं वइतिनि ।

+ + +

हिर्त लः मवयाः थुलि हाहाकार जुइतिनि कि मनू-
तसैं लःया पल्सा अय्लाः घुतुघुतुं त्वने मालीतिनि । उब-
लय् "अय्लाः मत्वना, सवाः हे मस्यू" धकाः फुइ याना-
चवंपिनिगु न्हाय् वनीतिनि ।



गुह्य कवि । गुंगू रस । गुपु मुक्तक

गवसा: - पलेस्वां तुलाधर

१. शृङ्गार रस

- छय्वज्ज वज्जाचार्य

छ बांला:, आहा गुलि बांला: !
छ थे बांलाहा जि छहे जक खना ।
छंगु चिम्सं प्वा: प्वालं जि
गुलाब स्वां व्हैच्वंगु खना ।
जिगु निति छ आहा !
गुलि बांला:गु रत्नपार्क ?

□

२. हास्य रस

-दुगंछिकाजी तुलाधर

न्ह्यु, न्ह्यु प्रिय छ हरर न्ह्यु
दोबर तेब्बर चौब्बर न्ह्यु !
अःकथं न्ह्यु न्ह्यःकथं न्ह्यु
च्वंभनं न्ह्यु, क्वं नं न्ह्यु
लिमला: फमला: ह्नि जक न्ह्यु
लब: ह्वाररर ह्वाररर वयेक न्ह्यु !

□

३. करुण रस

-बुद्धकुमार साय्मि

अहो गुज्व:गु ह्यगस थ्व
छंगु चिता छ्वैच्वन स्व
लाख छयं तछ्यानां नं
छ्व:मि स्याये मफैच्वन स्व
आ: जि छु याये । आ: जि छु याये ।
जिगु नुग: तज्यात स्व, तज्यात स्व ।

□

४. वीर रस

-दुर्गा 'ह्याउं'

तांन्व: मय: जित:, जि सूर्य: तछ्याना बी
खिउं मय: जित:, जि खिमिला धू याना बी ।
मय: मय:गु दक्क फुक्क जि इयारझिर खुना बी
नरक थुना बी, जि अझ फरक नं थुना बी
शतृ न्हंका:लि इयाय् इयाय् बाजं थाना बी जि
हहह धवाय् थें थनाबी पराक्रम ह्नि जि ।

□

५. रौद्र रस

-बांला: मधिकर्मि

पक्षपातीत, छिमित खवरदार !
वा कि ति ति ति न्ह्यया:
मिखा ह्याउं कना:
ह्ला: म्हु चिना:
छिमिगु सलामयात प्यंका बी जि
छिमिगु नमस्तेयात लाकामं च्वाना बी जि !

□

६. भयानक रस

-गिरिजा ज्योतिष

हाय् मूर्खत ! छिपि ङाय् ह्लिला च्वनागु ?
युद्ध जुया: छिपि फुक्कं सीन उह
धवां जुया: छिपि फुक्कं कुइन
गिद्धतसें छिमिगु ला चच्च:फुना: नइन ।
थरथर खाना: गन विसिवने दइ
बम मुया: छिपि कुचा कुचा जुइन हाय !

□

७. वीभत्स रस

— मल्ल छु सुन्दर

ह्नाय् त्वपु, मिखा तिस्यु. थ्वैक या छि छि या !
नवःगु थ्व देशय्, नवःगु थ्व शहरय्
ध्वगीगु लाश सिबय् छु मडु आः
स्वःस्वःथाय् साःगाः, खिगाः वः हिगाः
छे छे छे छे स्वःस्वःथाय् सीह्य मचा व वाच्या
वाच्यागु ढाल
थ्वैक थ्वैक छे गुज्वःगु थ्व नरकया हाल !



८. अद्भूत रस

—जायोक वैद्य

सम्म मखु थ्व अचम्म खः
सन्नास मखु थ्व त्नास खः
नोट मखु थ्व मोह खः
समय थ्व विस्मय, भटक थ्व चटक
चित्त थ्व नं विचित्र, शेष थ्व अं विशेष
लः ला लः फुककलं, राक्षस पिहावैगु नं लः ।



९. शान्त रस

—सुदन ६००

मखुगु याये लात, एकयात दुइनं भाग याये लात
लिच्वः विरक्त जुल, वैराग्य जुल
थुकिया समाधान तीर्थ स्थान व गृह स्थान जुल
अनित्य खः थ्व संसार अय् नं धैर्य कायेमाः
स्मृति, समानता फुकं नुगलय् तेयेमाः
शान्ति शान्ति शान्तिचिया शरणय् वने नु !



ल्याः कासा

- १) २ व ० थ्व निगः अङ्क नापं तलकि मनूत सी यः ।
छाय् ?
- २) १४० यात ३ ल्याखं गुबलें हे गुनय् याना दीमते
छित्तः तःधंगु खतरा जुइ । छाय् धाःसां ।
- ३) सकल नेपाःमितय् दकलय् यःगु अङ्क छु छु खः ?
व अङ्क छसीकथं च्वयाः उकिया कारण नं कना-
दिसं !
- ४) संसारय् दकलय् नांजाःगु अङ्क छु छु खः असे उपि
छाय् नांजाःगु ?
- ५) छु छु अङ्क जानाः थ्व संसारयात न्ह्याकातःगु दु ?
उकिया प्रमाण नापं बियादिसं ।
- ६) गुलि अङ्कयात गुलि अङ्क गुनय् यातकि उकिया
पाय्छि लिसः बालाजुइ वनाः खंकः वनेफइ ?
(थ्व फुकया पाय्छिगु लिसः बियादीफुसा छि स्यात
मखुसा स्वकः त्याग्रा पुताः थुकिया लिसः निउने
मात्तुमालाः लुइकादिसं ।)

न्ह्यन्वःह्य - डा० रा० रा०

गुंघुल्लिया लसताय :

खःगुं मखुगुं (गुता) खँ

१. मय्जु सुवर्णकेशरीं इहिपाः धुंकाः बाखं चव्या-
मद्युगुया कारण भाजु पुष्प चित्रकारं आलोचना याइ
धकाः ग्यानाः खः ।
२. 'नेपाल भाषा पत्रिका' (ह्लिपौ) पिकायेगु क्षमता
भाजु फत्तेबहादुर सिंह छम्हेसिके भाय्प्वः मेपि सुयाके
मदु, उकि भाजु सिंह मदयेधुंकाः उगु ह्लिपौ
पिमदं ।
३. नेवाःत ह्लीकाः थःगु जीवन सुखय् हीके मफुगु, तर
विदेशीत ह्लिकि धाःसा वाउँचा बलकि बल जुइ-
गुलि ख्यालःमि भाजु रामशेखरं थौंकन्ह्य् ख्यालकय्
ध्यान मबिसे पसलय् ज्यान बियाचवंगु खः ।
४. मनू बुइबन्नय् नं सीबलय् नं याकः जुइगु शाश्वत
सत्ययात सीकाः साहित्यकार भाजु गिरिजाप्रसाद
जोशी 'गिरिजा थें याकःचा म्वायेगु अट यायेमाः'
धकाः धयादीगु खः ।
५. संरक्षक, सह-संरक्षक, 'आजीवन ग्राहक व वार्षिक
ग्राहक दयेकाः ध्यबा मुमुं लिमलाःगुलि 'सितु'
पत्रिका थौंकन्ह्य् नं इलय् इलय् पिदनेमफुगु खः ।
६. नेपाल राजकीय प्रज्ञा प्रतिष्ठानं नेवाःतय् पितिनेगु
बडयन्त ताःलाकाहःगुलि 'वारि मथ्यं पारि मथ्यं
खुसिइ दथुइ लात' जुइमाली धकाः नाटककार भाजु
विजय मल्लं थौंकन्ह्य् नेपाल भाषां नं नाटक चबयेगु
ब मंचन याकेगु नं यानादीगु खः ।
७. कवि भाजु वैकुण्ठप्रसाद लाकौलं थम्हं आपना
यानादीगु 'लाकौल सिरपाः' व 'चैन लाकौल सिरपाः'
बात संस्थागत यानामदीगुया कारण उगु सिरपाः
सदां वीम्वाःकथंयागु जूगुलि खः ।
८. 'नेपाःया राष्ट्रिय विभूति कलाकार अरनिको व
श्वेत चैत्य' कविता सफूया शैलीयात सफूया शीर्षकया
आधारय् भाजु सत्यमोहन जोशी 'आधुनिक लोक
शैली' धकाः घोषणा यानादीगु खः ।

पैरोडि :

द्यःयात सिन्हाय्स्वां

द्यःयात नास्ति न्हां, मय्जुयात कस्ति न्हां
भाजुयात लखंलख दां ।
हाँ रे सिरिमाइ तता
खुंया लँपु भंसाः ल्यूने न्हां ।
देय्यात भज्यंकी, मय्जुयात प्वःचिकी
भाजुयात त्वंकी गजि न्हां ॥


ल्याय्हा दाजुं घरिग्वः हइ, ल्यासे ततां लुंपाय् हइ
लमिततां हेराप्व. ज्वना वइ ।
हाँ रे सिरिमाइ तता
खुंया लँपु भंसाः ल्यूने न्हां ।
देय्यात भज्यंकी, मय्जुयात प्वःचिकी
भाजुयात त्वंकी गजि न्हां ॥

दां छप्वः कासेंनिसें, बैककय् वंसांनिसें
मोहनिनं काल जितः न्हां ।
हाँ रे सिरिमाइ तता
खुंया लँपु भंसाः ल्यूने न्हां ।
देय्यात भज्यंकी मय्जुयात प्वःचिकी
भाजुयात त्वंकी गजि न्हां ।

सर्वाधिकार : भृगुराम

९. नेपाल भाषा मंकाः खलकं 'मंकाः दबूछे' दयेकेया
निति थम्हं मुनातःगु सम्पति फुकं साहुमहाजनपि
दुजः दुगु 'नेपाल संस्कृति संरक्षण समिति' यात
लःह्लायेधुकूगु दुसां मंकाः दबूछेया जग तकं स्वने
फुगु मदुनि । उगु समितिइ दुथ्यापि साहुजुपिनि
छेया सिबय् मंकाः दबूछेया नक्सा बाँमलाक दयेकेत
व्वांजूगुलि जग स्वने थुलि लिबाःगु खः ।

फय्गं : श्रेष्ठ प्रभू



जनकलाल सरया दुःख

की नेपाल भाषां दकल्य् त्हापां पीएच. डी. यानाः
डाक्टर जुयादीहा भाजु जनकलालं थःगु छेयां लुखाय्
“डाक्टर जनकलाल वैद्य” धकाः नां चवयाः तयादीगु
जुयाचवन । थ्व न्येसाथं व खनेसाथं वय्कःया जःला-
खःला, त्वाःबाः, थःथिति सकलें वया. वय्कःयाथाय् हल-
मूल याःवइगु जुल । गुलि प्वाः स्याःपिं, गुलि म्वः स्याःपिं,
गुलि ज्वर वःपिं, गुलि दुज्वर वःपिं, गुलि टी० बी० जूपि
गुलि क्यान्सर जूपि, गुलि सू वःपिं, गुलि हू वःपिं ।

छन्हु स्वहानें कुतुबयाः त्हाःतुति संके मज्यूह
जःलाखःलाया मचा छम्हेसित एकसरे यानाः प्लास्टर याये-
माः धकाः वय्कलं साहुति बियादिल । थ्वयां छुं लि
लिपा न्हासि वयाः सास्ति नयाचवंह्य मचा छहा हयाः थः-
थिति छु याये धकाः सल्हा काःवल । वय्कलं त्हास्य् हाखः
पाका बिलकि जी धकाः धया छवयादिल । वय्कलं धाःथें
यानाः व निह्य मस्तय्त जियावःगु खँ त्वाःबाः सकलें व
थःथितिपिसं नं सिल । थुकि यानाः वय्कःयाथाय् क्यं-
वइपिं न्हिन्हि ग्वाः ग्वाः वइगु जुल ।

थये लिंलिं वइपिन्व “जि त्वय् स्वइहा डाक्टर
मखु, छिकपि थन जायां छु याये” धकाः वय्कलं गुलि
घाल, गुलि हाल अहं सुं पत्याः जूगु मखु । “डाक्टर
जुयाः नं त्वय् स्वये मसइला । उखुन्हु त्हाःतुति त्वःधूह
व त्हासि वःम्हेसित जौका व्यूगु जिमसं मस्यूला ! जिमित
झंगः लाये माःला” धकाः गुलि तं चाया वन । हानं गुलि
गुलि “जिपि गरीब जुयाः हेपय् याःगु का” धाइपि ।
गुलि “जिमिसं नं धाक्व माक्व फिस बि हे बी नि” धाइ-
पि । न्ह्याक्व खँ त्हाःसां थूगु मखु । अज गुलि गुलिसिनं ला

“डाक्टर जुयाः बरय् जूगु का व” तक नं धाल । धाः धाः
थें मज्यू । “डाक्टर व वैद्य निता निता जुलं नं जिमिगु
त्वय् छकः स्वयाव्यूगु मखु” धकाः मनूतसें झी जनकलाल
सरया ख्वाः हे स्वःगु मखुत । आखिरय् हायल कायल
जुयाः वय्कलं थःगु लुखा-खलुइ खानातःगु नांवरलय्
थःगु नांया न्ह्याःनेचवंगु डाक्टर व ल्यूनेचवंगु वैद्य नं नितां
तमं इवाय् इवाय् हुयाछवत । मस्यु, वय्कलं पीएच०
डी० या डाक्टर उपाधि व थरया वैद्य उपाधि नितां आः
गन गन तया तयादिल थें ! उलिचिया बाखं थुलि ।
आः वय्कः झीगु न्ह्याःने जनकलाल सर जक खने दयाचवंगु
दु ।

तृव्वःह्य : करुणा Tax वैद्य



थुज्वःथुज्वःगु हे न्यैकं बाखं मुनाः याकनं
हे धवाखाया लुखां पिदनेत्यंगु दु-

“गजब गजबगु दुःख”

सफूया मू दांछि । मोपिन्त लवः द्वःछि ।
चवमियात ज्याला चुन्नाया खिति ।



का न्है

राशि फल दासि वल

— दण्डित् तिसानन्द, यःम्ह. हे.

१. कन्या — श्व राशिया मनूत संन्या थें पतिचिनी ।
थुमित कुन्या व भुन्या धालकि ज्यान
थें यइ । मेपित् थुमिसं धन्या भाय्प्वः
छु नकीमखु । थुपि जांन्याय नम्वर एक
जुइ । थुमि ह्लातय् न्ह्यागु लाःसां धायेमं
कतःयागु जूवनीगु सञ्चर लानाचवनीगुलि
थुमि ह्मिचा न्ह्याबलें पञ्चर जुइ । उकि
श्व राशिया मनूतय्त् सल्ला दु — न्ह्यागु
खंसां, न्ह्याह्म खंसां थ गु वा थःह्म यायेगु
खःसा हि वयेक वांन्या ।
(श्व राशिइ नांजाःह्म कवि व उपन्यास-
कार भाजु बुज्जप्रसाद नं लाः ।)

२. सिंह — श्व राशिया मनूत इज्जतय् हाकलं इयूसां
छि छि थें म्वाना ग्वाय् फिफि तयाः जुइ-
गुली खप्पीस जुइ । छु गथें ग्वाय् मदुह्म
जूसा सँ ति ति स्वाइ । थुपि न्ह्याय्पं व
न्हकुसँ ति ति स्वाक भाषण वीगुनी नं
च्याम्पियन जुइ । विदेशो स्याम्पीयन बोटल
का बोटल स्यानाः सि सि धायेका जुइगु
चान्स दुसां डान्स मयासे ह्याउंछवाः व्वयाः
हि हि याना जुइगु श्व राशिया मनूतय्
तःधंगु विशेषता खः । श्व राशि दुर्गि मनू-
तय्त् छि हं, जि हं, छाय् धाःसां सिंह
राशि साप मि हं ।
(नांजाःह्म समालोचक भाजु मारिकलाल-
या राशि नं श्व हे खः ।)

३. कर्क/कर्कट — थथे याःसा काय् बुइ, थथे याःसा म्हाय्
बुइ धकाः कर्क यानाः बुइकातःह्म काय्
वा म्हाय्या राशि तर्क खःसा यय्यगु
हर्कत यानाः बर्कत मदुसां बुइकातःपिनि
राशि कर्कट खः । स्वर्गया कल्पना यानाः
नर्कय् स्वदुना च्वनेगु अले काय्-म्हाय्-
पिनि नां छता सां हर्क (हकमां/हकमाया)
तयाः हर्ष यानाच्वनेगु कर्क राशिया मनू-
तय् स्ववाव जूसा चिक्काधंगु खेंय नं कट-
कट वा न्ह्याः मारकाट तर्क यायेमाः थें
च्वंक हाला जुइगु कर्कट राशिया मनूतय्
स्वभाव जुइ ।

(भाषासेवी भाजु सत्तबहादुरया राशि
कर्क खःसा नाटककार, उपन्यासकार,
भाषाविद्या लिस्से नांजाःह्म समालोचक
भाजु चिसवाःनन्दया राशि कर्कट खः ।)

४. वृष — श्व राशिया ननूत साप ह्यो । मिजं-मनूया
राशि श्व जूसा वया स्वभाव ईख यायेगु
जुइ । श्व राशि मिसा मनूया जुल धाःसा
तीखमा व्वखानाः जुइगु वया स्वभाव जुइ ।
वृष राशिया मिजतसे ईखय् विष नयेत
तर्क लिफः स्वइमखु । वृष राशिया मिस्त
धाःसा बांलाःसां लापाक स्वयेबलम् सीक
थें नं च्वनेफु । वृष राशिया मिसा जूसां
मिजं जूसां राशिया नांकरं इमि स्वभावय्
छता खेंय समानता दइ । इ मिजास

वयाः ध्वं थें चलाक जुइगु उगु समानताया
गुण खः ।

(भाषासेवी भाजु चपलबाजीया राशि
वृष खः थें कवियत्री मय्जु धर्तिधराया
राशि नं वृष हे खः ।)

५. कुम्भ - त्यः-मत्यः मधासैं ई-व्यः मदयेक ध्यः व
स्यः जक नयाः च्यः नापं ज्यः जुइक छः
थें बांलाक दुम्म च्वंक ल्हकाः गुम्म च्वंगु
क्वथाय् च्वनेगु कुम्भ राशिया मनूतय्
भाग्य खः । थ्व राशिया मनूतसैं सुयातं छुं
देन जुइगु ज्या मयाः सां ऐन दयेकींहा मनू
हे थः स्याः नाः हा जुइगुलि न्ह्यागु छ्यलय् नं
कुम्भ राशिया मनू जबर्जस्त स्तम्भ जुइ ।
(नांजाः हा बाखंमि मय्जु लुं वर्णवेकरीया
राशि कुम्भ खः ।)

६. वृश्चिक - नेवाः तय् दथुइ थ्व राशिया मनूत लुइकेगु
धयागु न्यकू दुहा झंगः लुइके थें हे थाकु ।
द्वलय्-स्वलय् ध्यलय् सकि ल्वाकमछ्याईपि
बंजाः त दइ थें जक थ्व राशिया मनूत
लुइ । कायेबलय् माक्वया सिबय् दुर्गच्छि
कयाः बीबलय् धाः सा माः गुली चकच्छि
जक बीगु कवय् स्वभाव सदां जवय्-खवय्
तयाः थः थवय् क्वातुगु स्वापू तयाः कापू
कायेत सनेगु थ्व राशिया मनूतय् वंशानुगत
स्वभाव जुइ । वृश्चिक राशिया मनू बिस्जक
(बिसि जक) जुइ मालिगुलि इमिसं जीवन-
या सवाः नं बछ्जक (बछि जक) कायेखनी ।
(थ्व राशिइ नांमिहा कवि छातिवज्र नं
लाः ।)

७. तुला - थ्व राशिया मनूतय् सुनानं कुला जक
मय्जुसा छुं ज्याय् थः गु ई खुला बितकि
गुला बित धयागु तकं सीमखु । 'ह्लाः तुति
लैं चू थें चुला जुइ फ़ला' धकाः मेपिके
न्यनाः थः धाः सा मतापय् प्याखं हुला

जुइगु थुमि स्वभाव जुइ । भाखा पुला वः
सुला सुला जुइमाः सां पासापिनि न्ह्युनि
'सुयागु' दांछि दां नया तयागु हुला ?'
धकाः धक्कु त्वः ताः छ्यं क्वछुकाः कक्कु
ल्हनाः बुला त्वनाजुइगु तुला राशिया
विशेषता खः ।

(नांजाः हा कवि भाजु हन्दर जेरिकः मिया
राशि नं थ्व हे खः ।)

८. मेष - चेस हिते मसः गुया कारणं छुं हे केस
मदयेक ठेस नयाः मेगु हे देश माः जुइमाः गु
दुर्भाग्य थ्व राशिया मनूतसैं भोगय् माये-
माली । थ्व राशिया मनू शेष हे त्यं मदयेक
न्ह्याक्व हे वेस जूसां हाकीमया न्ह्याः ने
न्ह्यागु 'येस' धकाः थः त पेश याइहा नं
जुइफु । भाग्यया पासा पल्टय् जूसा पासा
सासा सकसितं त्वः ताः विदेश वनेगु मौका
धाः सा थ्व राशिया मनूतय् मदइ हे
मखु । थ्व राशिया मनूतय् भाषा जक मखु
भेष नं थः गु हे पहः यागु जुइ । थ्व राशिया
मनूतय् चरित्रयात कयाः फेस टु फेस सुना-
नं छुं धायेमफुसां थय् अय्
धकाः गेस यायेगुली गुल्सं नं लेस जुइ-
मखु ।
(थ्व मेष राशिइ नांजाः म्ह कवि भाजु
बुर्कालाल नं लाः ।)

९. धनु - धनु राशिया न्ह्याम्हं मनू लोकप्रिय लेखक
वा नोटप्रिय शिक्षक जुइ । थ्व राशिया
मनूतय् नुगः वंचु थें ख्वाः नं हाकु सा, मचा
बः धी थें थः तः धी जूसा व लेखक जक
मखु शिक्षक नं मजुसैं मगाः । राशि हे
अज्याः गु जूगुलि थुमिसं 'छन्हु' यात 'छनु'
अले 'मनू' यात 'मनु' च्वः सां भाषाया
शिक्षक कथं नां जाइ । 'भानु' व 'मानु'
वा 'बिनु' व 'मिनु' न्ह्याम्हेसिया बारे लेख

चवःसां थज्याःपित हनेबहम्ह लेखक धकाः
सकसियां हनी ।

(नां जाःम्ह बाखमि अले उपन्यासकार
भाजु धतुराकृष्णया राशि नं धनु खः ।)

१०. मकर - ककर त्वनेगु ऐक्टिङ्ग यानाः चोकर धाक्व
परसात इनाः थःगु लकर जायेक खनखन
मैचा स्वथनाः जोकर धायेकाः मन्हा
मन्हा दुहांवनाः क्यासेटय् नं चक्कर नयाः
न्हाक्व थक्कर नयेमाःसां टक्कर नयाः 'जि
चखु'चा पहलमान' धकाः फसय् बक्सर
नकाः न्हाइपुक्क ब्वयाजुइगु लु'चखु'या
स्वभाव मकर राशिया मन्तूय्के दइ ।
मकलय् मि दयेमाः थें दकलय् अकल दुहा
पासा थ्वयाजुइगु मकर राशिया मन्तूया
जन्मजात स्वभाव जुइ ।

(नांजाःहा कलाकार भाजु मगनकृष्णया
राशि थ्वहे खः ।)

११. मीन - गुबलें 'जिगु इज्जतय् हाखः कीन,' गुबलें
'जितः स्वत्ताक चीन,' गुबलें 'नकतिनि
बूह्य मचां खुसि छीन' सा गुबलें 'आः
जिगु अवस्था जीन' धकाः सुयां मय-
येक हालाजुइगु स्वभाव थ्व राशिया

मन्तूय्के दइ । सुनां सुनां सर्गःया लुखा
तीन वा सुनां सुनां सुपांय्यात थीन धयागु
खँय् जक च्यूताः तः जुजु निभाः बीन अझ
थः स्वाःमदुगु हाहां हे सीन धयागु तकं
मचायेक कपित्त कुचायेकः जुइगु स्वभाव
थ्व राशियापि मन्तूय्के दइगुलि थुमि
पासा साप हो जुइ ।

(कवि भाजु लगतदासया राशि नं थ्वहे
खः)

१२) मिथुन- थ्व राशिया मन्तूय्से दुःख-कष्ट यानाः
वाउँचा निथु न, किथु न, यक्व थु न, थुपि
गुल्सं ल्हनी मखु । कर्म व कर्तु चूलाःपि
जूगुलि थुमिसं खाया खम्पा वांमन्यासे
'मिय्या मनाला चि थु' न' धकाः सन्तोषं
चवंचवनी । गुबलें सुनानं पितुनसा गुबलें
व्वांव्वां जुजु हिकुन जुइ थुमि । थः
थहांवयेत ग्रूपिजमया टिकडम मयाःसा
सदां सदां लिक्नुन धकाः मिथुन राशिया
मन्तूय्से सीकेमाः ।

(थ्व राशिइ नांजाःहा अन्वेषक भाजु
जासिनाथ नं लाः ।)

②

तियां शोभा, नयां प्राण !

सभ्य, शिक्षित अले सुसंस्कृत मन्तूया शोभा - वसः !


उकिं

चितः मिनी, माय्क्सी, फ्रक, पाइन्ट आदि धैधैकथंया

रेडिमेड वसः मालकि

जुजु रेडिमेट गार्मेन्ट

न्हूसतक, भूगोल पार्कया न्हःने दुस्वःआसँ ।



झीणु भाषाया थीथी पौ, थीथी अवरथा

झीणु भाषाया थीथी पौ, थीथी अवरथा — डा० श्लोकवद्वानन्द

१. नेपाल भाषा पत्रिका (न्हिपौ) लय-मजंथलि

नीप्यदेया ल्याय्म्ह बैसय्
गंगु ल्वचं नःम्ह जितः ।
पलेस्वां थुज्याःम्ह वैद्यं
त्वंकल बासः ॥

म्हम्हि धिसिमिसि धाय्काः
स्वदे-प्यदे लोकं ह्वाकाः ।
न्हाइपुक दिन हंहं
नीच्यादे वयन ॥

फत्ते बुवा स्वर्गे जुयाः ।
निदे-स्वदे बखि तयाः
दशा मभि, कसा नया
पित महल ॥

जिमि दाजु निभाः लिसै
न्हिथं पिलुयेगु इच्छा ।
गुहालि या जिचादाजु
बिन्ति दु तता ॥

२. राजमति (बाःपौ) थननिसै लयः राजमति

राजमति छगू ति माया ब्यूसा पिरति
पत्याः यानाः लोकं ह्वाःगु म्ये
ह्याउँसिगु पसि सिना, मछा मछाः पिहांवया
मनोरथ पुरा मज्जनि ।

३. इनाप (बाःपौ)

जिमि गाहाः गात्रक दु, मितुनिपि म वव दु
अथे नं जि मनय् व्यथा दु
माम भासय् थःत पाःम्ह पिने सदां न्हिला खाःम्ह
कृष्ण्या कृष्ण—कथा दु ।

४. मिला (प्रस्तावित बाःछिपौ)

धिक्कार जनम, प्यांवय् मफुगु करम
बखतय् जनता दथुइ
सिडिओया फाइलं ल्हानाः कन्हयागु खापां कानाः
बासामुना आताहां लेंपुइ ।

५. घर्मोदय [लयपौ]

हिन्दू राज्यय् ववति थुंगु, भयगः फय्त जक ब्वेगु
बुद्ध धर्म थकाय्गु मति
नेपाः गालं पिने चवनाः, तन धनं साथ ब्यूसा
सत्य धर्म इनेमानि जि ।

६. देगः [लयपौ]

साहित्य-द्यः छम्ह स्मनाः, संस्कृतिया पलि जिनाः
देगःया नमुना ब्वथेत
साःमिजु द्यःपाःलाः खाःसां, सिंहजु पुजारी जूसां
अःपु मज्जु देगः ता-छाय्त ।

७. झी [लयपौ]

अपाय्चवकं थाकु मखु, छि व जि व दय्ब गाःगु
पूर्वकेत छगू खेवः भौ
थौं ज्वीथे, कन्हय् ज्वीथे ज्वी मफुनि आःतलें
पुन्ही जक हित्तु हिला बी ।

८. सितु [निलापौ]

वःया त्वार्थं अमृतं हे त्वनागु खः तर छु याय्
च्यादं भिदं सिका हे बिल
प्रेम-पूर्णं पुष्प रूपी पीयूषया संजीवनीं
यइपुक हानं वाउल ।

९. सहलह [डाइजेष्ट]

गुलि राजनीति माःपि, गुलि पानबति यःपि
तर सकलं झी नेवाःपि
छगू परिवार दुने, कचवंया लिसे लिसे
मेल छता दय्के माल छि ।

१०. नेपाल [ऋतुपौ]

'हृदय'जु छम्ह व्यलय, ऋतु पति पिलुइगु
दनि मचाबलयसिगु लमंति
थनि तःम्ह घाई दुसां, बःचा धिकः बेस जूसां
दच्छी छक्कः पिबबये मफु जि ।

११. लबु [स्वलापौ]

सनिसारय सुन्दरगु सत्य धंगु सर्वहारा
जुल्य पानाः छेबु मडुपि
अनेक दशां कसा नःपि, पचि ज्वीकाः न्ह्यलं चाःपि
छमाः हने लबु थुज्याःपि ।

१२. पौभाः, पताः, त्वाःदेवा [लिपौ]

थःगु धंगु थःगु ज्वी, त्याना तंगु कतः ज्वी
छयले माल छतं नःगुसां
नेपाःभाषा, नेपाः लिपि, समुन्द्रया भिगु सिपि
चवयादिसै मिलय् मजूसां ।

१३. मलः, मित्याः, पथु, नसंचा [लसतापौ]

जुकेमानि बज्रमलः मित्याः दंक हनं छकः
महल धाक्क पाःताः ज्वीकेत
सकलिगु नसंचा, थवया सातिखुनु खी
हृपि गथुं नेपाः छाय्पेत ।

१४. आनन्दभूमि, धर्मकीर्ति [धलंपौ]

धर्म धंगु धवंलाय्गु सा पाप छुकियात घा
मांमाय् जक हाःपि भ्याय्चा छः
छचमं चुयाः, चम्पे धयनाः, धलय् दुनाः कलय् कुंकाः
तस्मा कायसा लय्ताय्कि स्वाःछः ।

१५. न्हसला [दंपौ]

प्राणी जुक्क स्वायेत, स्वानाः सवाः कायेत
अन्नजल नितं उर्थे माः
मनू जूयाः स्वायेत सुख शान्ति कायेत
भाषा लिस्ते धम्म भीत माः ।

१६. शान्ति विजय [दंपौ]

न्वमवाःछा लाता ज्वी, हाला जूसा चिन्वः घाइ
दथुया लें लीगु हे भिन
लुकु न्हापा तुकु लिपा, स्वये गुज्गु नये चुत्रु
शान्तिया थ्व लेंपु ज्या छिन ।

१७. क्याम्पस पो

'कुला'मय् 'जः'तय्जु'याय्क् 'संझ्याः' चाय्काः
'नीलः' हाय्का
'न्हाय्क' स्वयाः थाना हय्वं गं
'तोल' स्वस्वं 'मन्दः' चवयाः, 'सुकुन्दा'स'ग्वय्स्वां' छाय्
'अन्तर क्याम्पस' 'सुथ'य् हाली दे ।



जंगलनिरीं शहरतक

— प्रदीप चौबे

अले छह छह यायां जंगलया फुक्क जनावरत सखाप जुसेलि बाध्य जुयाः हे शेरं अहिंसाय् विश्वास याये माल । थ्व चिन्तन अन्तर्गत वं फुर्सदया इलय् फुक्क गान्धीवादी साहित्यया सवाः काल । तर आखिर शेर छह मांसजीवि खः, बुद्धिजीवि मखुं उर्कि गान्धीवादं वयात तःन्हुतक प्रभावित यानातये मफुत। प्वाथय् च्याना-च्वंगु मि वयात यथार्थवादी यानाबिल । अले शिकार मालेत व शहरसिथय्थ्यंक वन । शेर लानाच्वन धात्थें हे कर्मखः बहलाःह्य। सन्ध्याकाःईया खिउँ खिउँ धाःगु इलय् छेय् लिहांवनेत वयाच्वंछ छह मजदूर वयागु 'डिनर' या व्यवस्था यानाबिल । शांतिपूर्ण सह-अस्तित्वय् विचारधारायात ताःलाकाबियाः शेरं मजदूरयात गृहस्थिया नर्कं मुक्त यानाबिल, अले अप्सरातय्गु स्वर्गय् थ्यंका-बिल । मनूया हि म्हुतुइ कीवं शेरयाके मनूया लक्षण खने दयावल । गान्धीवादी चिन्तन भुरुरं ब्याववन । आः वयात जन-साधारणया चिन्तां सतय्यात ।



सवाः थुसेलि शेर ह्लिह्लि शहर वनेगु यात । व पूरा शहरी हे जुल । जनसंख्या याकनं याकनं पाःजुल । गुगु ज्या परिवार नियोजनया विशेषज्ञतय्सं यायेमफु, वहे ज्या छह जनावरं यानाक्यन । थुखे शेर लभ्ताः, उखे सरकार लय्ताः । जनता न्ह्याग्ले थें दुःखि हे जुयाच्वन, उदास हे जुयाच्वन । बीमा कम्पनीया छु याये छु याये जुयाच्वन । तर बुलुहुं बुलुहुं मनूतय्सं सीका-हल कि थुलिमछि ला आखिर गन जुयाच्वंगु खः । शेरया आकाशकां जूगु शहर भ्रमणया रहस्य उद्घाटन जुल । मनूत सावबान जुल । संध्याकाःई जुइवं हे मनूत थःगु ला प्वःचिनाः थःथःगु स्वय् बनीगु जुयावल । शेर इमिगु लागि स्वर्गया लुखा चायेकाः प्रतीक्षा यानाच्वनी, तर अफशोचं, मनूखं स्वर्गय् विश्वास ला याइ तर म्वाःम्वाकं

हे अन च्वंवेनेगु खँ धाःसा स्वीकार यायेमफु । मनूतय्गु थ्व क्वह्यंगु व्यवहारं यानाः शेरया पित्याक च्वंवेने मालावल । हाकनं गान्धीवादी जुइमाल, अले अथे जूगुलि झं झं गंसि जुयावना च्वन ।



तर, छन्हू छह चमत्कार जुन । शेरयात थःगु शिकारय् मनूया न्ह्यपु हे दकलय् साःगु जुयाच्वन । मानसिक तनावः कुण्ठा, सन्तास, भय, पीडा आदि घराघरु मसला इला-तःगु मनूतय्गु न्ह्यपु धात्थें हे म्हुतु चर्कंगु जुयाच्वन । वहे न्ह्यपु ननं ननं मनूतय्केथें ज्याःगु सूझबूझ व परिपक्वता वयेधुकूगु जुयाच्वन । अबलयालाक, छन्हू चिन्तनया अवस्थाय् शेरयात लगभग वहे ज्वःगु दिव्यज्ञान प्राप्त जुल, गुगु ज्ञान गयाया बोधिवृक्षकवय् भगवान बुद्धयात प्राप्त जूगु खः । यानी शेर उन्निमय् हे 'बुद्ध' 'बुद्ध' जुयावल । ज्ञानया उपलब्धीया जोशय् शेर छकः तसकं गर्जय्—जुल । अले स्वंगू हर्सपावरया गतिइ ठ्वाय्बनाः थःगु गुफाय् थ्यंकःवन । दुने छह नरककाल थनातःगु जुयाच्वन । शेरं मनूया शरीरया छपातं छ्यंगू पिकाल, गुगु बं थम्हं ल्लापा ल्लापा सुं छह शिकारयात हजम यायेधुंकाः स्वथनातःगु खः । मनूया छ्यंगू स्वस्वं ग्यानापुक्क ह्लिला हल । गुफाया चिहान छाप नीरवतां ब ह्लिलायात आकाश वाणीया कार्यक्रमथें यानाबिल । व भयंकर गर्जनां शून्यता हे थरररं खात । नरककाल वाराव्वारा सनाहल । अले ठीक बाघौलिपा जंगलया आवारा फसं खन कि शेरया फुफां दकलय् ल्लापां छह म्वाःह्य मनू पिहांवल । छम्ह थज्याःम्ह मनू गुम्हेस्या ख्वालय् जंगलया क्रूरता दु अले महानगरीय व्यंग्य दु !

धायेमाःगु खँ हे मखुत कि थ्वयां लिपा शेरं अझू-तपूर्वं प्रगति यात ।



भाय्छ्मूहै : रकास्था

हलू न्यानाः खैय् पवसा

- (१) 'श्व त्वगियाके छु त्वय् दु ?' नर्स मानसिक त्वय्या डाक्टरयाके न्यन ।
- "श्वया निगू व्यक्तित्व दु । गबलें श्व मिजं जुयाः म्वाइ, गबलें मिसा जुयाः म्वाइ ।"
- 'अय्सा आः श्वयात हाकनं छगूहे व्यक्तित्व-याम्ह मनु दयेकेत छु यायेगु ले ?'
- "श्वया दुनेच्चंम्ह मिजलिसे श्वया दुनेच्चंम्ह मिसा व्याहाः यानाबीगु ।"
- (२) डाक्टर लैय् वनाच्चंम्ह छम्ह बांलाःम्ह ल्यासे-पाखे क्यनाः थः पासयात धाल- "वहे का जिमि प्रेमिका । तःदँ न्ह्यवनिसें जि वयात प्रेम यानावयाचवनागु दु ।"
- 'अय्सा छाय् व्याहाः मयानागु ले ?'
- 'व्याहाः याःसा जिगु बछि धैथें कमाइ इवाइ जुइ का ।'
- 'व गय् ?'
- 'जिमि दकलय् तःमिह्य त्वगि का व, तःदँ न्ह्यवनिसें व लगातार जितः वासः याकाचवगु दु ।'
- (३) छह्य मानसिक त्वचं प्रस्तह्य मिसां थःत रेगनया कलाः खः धकाः परिचय विद्याजुल । भातह्य वयात डाक्टर कयनेयंकल ।
- मिसां डाक्टरयात धाल- "धात्थे धायेगु खःसा जितः मखु, जिमि भातयात वसि यायेमाः । वं थःत अमेरिबी राष्ट्रपति धकाः परिचय मय्युसे इन्स्योरेन्स कम्पनीया एजेंट धकाः परिचय विद्याजुल ।"
- (४) — 'डाक्टर साहेव च्यान्हु क्षिणु दत जितः साप हे अजुचायापुक्क ग्यानावइगु त्वचं थिल,

गुकि यानाः जिगु व्यापार हे 'स्यन'-त्वगि धाल ।

- 'गथे जुलकि ग्याना वइगु ले छितः ?' मनो-वैज्ञानिक डाक्टर न्यन ।
- 'जि हल खनकि ग्यानावइगु ।'
- 'अले छंगु व्यापारलिसे छु स्वापू दतले हलय ?'
- 'जि छम्ह वगलिमारा खः ।'


- (५) तःदँ तक नापमलानाचर्विनि निह्य पासार्पि छगू पार्टी भवजय् नापताल । छह्य डाक्टर, छह्य इन्जिनीयर । खैय् खैय् इन्जिनीयर पासार् धाल- "थौं कह्य जि अपाय्चवः प्याहां पिहां हे मजुबा । सुं छह्य म्हस्यह्य मनु नापलातकि बिक हे याइगु । छे छखा दनेत गुलि सिमेन्ट माली ? गुलि डण्ड माली ? गज्याःगु डिजाइन यायेमाली ? आदि न्यनाः कामल हे याइगु । छन्त अज्याःगु समस्या मवःला ?"
- "वःगु ला खः तर जि छगू फर्मूला छयला-बिसेलि समस्या अथें हे ज्यनावन" डाक्टर धाल ।
- 'व गथे ?'
- "सुनानं वयाः श्व स्यात व स्यात धकाः कं बलकि लैय् हे जि धयाबीगु-ज्यू जि जाँचय् बाना स्वये, लं त्वयादिसै ।' डाक्टर कन ।

- (६) त्वगि - 'थुखे छुं दि न्ह्यवनिसें जितः छगू हे वस्तु निगू निगू खनीगु जुयावल डासय्ब !'

डाक्टर - 'छु छिकपि प्यम्हेसितं हे थथे जूगु ला ?'


ख्यालि हिलि भय्भय् व्यूगु
किपूया 'प्याकि' पौ पिदन ।

मू : नितकाजक



खयालः

हुप्प व स्याप्प



-पञ्चरत्न तुलाधर

बंगु घः छगः ज्वनाः हुप्प तुकुतुकुं बइ । दथइ ध्यंकाः
अः ला व लुसिथे जाःम्ह पासा लुमनाः भसंक वंकी ।
घः छले दिकाः लिफः स्वइ उखे थुले स्वइ, यानय्-यिनय्
स्वइ, गःपः ततःहाकः यानाः स्वइ, तुति ल्हना ल्हनाः
स्वइ । गनं मखनेव ह्वाः खिउंका छवइ, तुगः ववातुंका
छवइ । अले हानं उखे-थुले वनाः माःबनी । अथे नं थः
पासा स्याप्प मखेसेलि पासाया नां कयाः खःकथं ज्यु
तःकथं सःताछवइ ।

गणेश- अय् दुर्गाःSSSSS । अ य दु र गा (हानं न्ह्याःने स्वयाः
सःती-) य दुर्गा प अ दु र गा आ ! (हानं
खखना सलं-) य य य दुर्गा छ गन, छ गन,
वाकन वा जि वने त्यल । याकनं वा धया,
याकनं वा हुंहुंहुं (वयेमते धाःये च्वनाः) मखु,
वा वा वा वा । (अयनं थः पासा मवसेलि
दकलय् लिपा गापः हे पम्हुइये च्वंक फयांकछि
तस्सलं सःती-) अय् दु र गाSSSSSS । (पासांम्ह
स्याप्प ल्युनेपाखे दुर् रं व्वाय् वइ ।)

दुर्गा- (व्वाय् ववहे) वल वल वल वल वल वल वल
वल वल वल (छचाः चाहले धुंकाः पासाया न्ह्याःने
तक्क दिनाः) पासा जि वल ।

गणेश- (तं भचा दिकाः) हऽ पासा गन वनाच्वनागु
छ घासा ? गुलि सःते धुन, गुलि सःते धुन जि
छन्त । आः छं ल्हायेत नापं जि सासः मन्त
(थच्चक पयतुना छवइ) ।

दुर्गा- पासा, तंचायेमते बिन्ति ! सःतूगु तायेवं हे जि
यलंनित्से व्वाय् वयागु ।

गणेश- (अजूचायाः वनी) यलं नित्से !

दुर्गा- ओ यलंनित्से । यलया मगलंनित्से यैया वंगः जुनाः
थन थ्यंक वयागु ।

गणेश- जिके छकःहे मन्यंसे छ यलय् थ्यंक छु याःवनागु
लय् ?

दुर्गा- ससः पासा छम्ह सिनाः सनां वनागु का । बिचरा !
(खखमख हे धायाः) छुंहे स्वायेक अर्थे हे बन ।
(ह्वयेगु बिद्युं) आः जितः छाया सःतागु छं धा ।
ओ धा ।

गणेश- जि नं वनेत्यल । छन्त छकःहे नापमलासे गय्
वने धकाः जक पियाच्वनागु...

दुर्गा- (खँहे मथुइकुसे) वनेमते पासा वनेमते, वॉप
सुंहे लिहांमवः थ्व जगतय् । जनिगर बिन्ति, वने
छता धायेमते (पासाया ल्हाः कसिक्क ज्वनी) ।

गणेश- जि वनेहे त्यल पासा, जितः त्वःति । छन्त सःतु
सःतुं, छन्त मामां जिगु म्ह छम्हं यागला प्यागला
वने धुंकल । आः...आः वनेत्यल, लिबात जितः
काःवल जुइ, जि वने त्यल ।

दुर्गा- बिन्ति पासा बिन्ति, वने छता मते । जितः त्वःताः
वने छता धायेमते, बिन्ति बिन्ति ।

गणेश- मखु पासा, जि वनेहे त्यल । त्वःति पासा, जितः
पनेमते । जि वनेगु ई जुल ।

दुर्गा- जि छवये मखु छन्त, छवयेमखु । छ वनेगु ई मज्जनि

गणेश- जि आःहे वने त्यल, म्हाःल । सय् बे त्वःति । बरु
जि याकनं लिहांवये । त्वःतिः जितः त्वःति !
जि याकनं लिहांवये घया याकनं लिहां वये ।

दुर्गा- वइमखु, छ लिहां वइमखु । श्व संसारय् वंषि सुं लिहांवःगु जि मस्यू । जिमि बाज्यां नं जितः वयेतिनि धकाः ह्येका वन । आः छं नं जितः ह्येकाववन । जि छन्त छ्वयेमखु छ्वयेमखु, छ्वयेहे मखु । (स्थाः ज्वनाः सालातइ ।)

गणेश- बे धया त्वःति, जि वनेत्यल । वने त्यःपित्त मुनानं पनां पने फइमखु, बे त्वःति । (बलं लहाः त्वःतका कायेत सनी ।)

दुर्गा- (पासाया लहाः त्वःफीव खखवं) यः पासा जितः त्वःता वनेमते पासा । जितः त्वःताः गन वनेगु पासा हुं हुं हुं यः पासा यः पासा ।

गणेश- (आः तिति बल्ल खं थुयाः) अय् अय् अय् छला जि सी वने त्यंम्ह थें हे खल बास सा । स्वाःल ख्वयेमत्ये, मुस्क च्वे, जि सीवने त्यनागु मखु । ख्वयेमते स्वाःल । छला जि सीबल्य् खइ थें हे खल बास सा ?

दुर्गा- अले छ गन वने त्यनागु सा ? हुं हुं हुं...

गणेश- व्हाज्यः का छ, न्यने स्वाःला न्हापालाकं गन गन वनेत्यनागु धकाः !

दुर्गा- अयसा छ नं स्वाज्यः का, कने स्वाःला न्हापालाक गन वनेत्यनागु धकाः !

गणेश- जि धाःथे धायेमाः !

दुर्गा- येय् छं धाःथें धायेमा का !

गणेश- आःबल्य् लाःनि गन वनेगु धकाः न्ये । मखुसा वनेत्यल जि ।

दुर्गा- माःसा गन वनेगु धकाः के रे । मखुसा जि नं वनेत्यल ।

गणेश- छ छ गन वनेगु लय् च्वापुकाः ?

दुर्गा- जि जि जि यल्य् सनां वने मानि । जिमि ससः पासा सिना वन धकाः नकतिनि कनागु मखुला जि छस्त ? हुं हुं विचरा छुं हे म्वयेक बिनावन हुं हुं...

गणेश- ह्याउमस्त थें प्याय्क खइगु हे मयः । याकनं न्ये । जि गन वनेगु धकाः याकनं न्ये धबा । जि वनेत्यल का याकनं न्ये !

दुर्गा- माःसा कं रे ।

गणेश- छं मय्यकं जि कनीमखु ।

दुर्गा- छं मककं जि नं न्यनीमखु । के !

गणेश- न्ये !

दुर्गा- हः, का धा, जि न्यनाचवनागु दु ।

गणेश- अहो चलाक का छ । चंखपि चलाख जुइ यः धाःगु श्वहे का । जि छन्त न्हायपनं न्ये धयागु मखु, म्हुतुं न्ये धयागुका चंख ।

दुर्गा- अह छं हे त्याकागु का मखुला ? आः अथे मखु, भी मचाबल्य् थें व्वाय्वनेगु अले सु लिपा लात वं कनेमाः का १...

गणेश- भासे आसे, छं अजं चंखखें लहात । सु लिपा लात न्यने माःका ।

दुर्गा- ज्य ज्यू, का नु १ २...३ (निम्ह व्वाय्वनी ।) हुप्पयां पाइन्ट थकाकां लिपा लाइ, स्याप्प दुरं व्वाय्वनाः न्हापा लाइ ।) जि न्हापा लात ।

गणेश- (हिस्तः जुयाः) साःवय्चवरं जितः लिपा लाकु-सेलि छ न्हापा मलाइ लाऽल्य् । छ खराचा का छ ।

दुर्गा- आः इयल्लाःखें लहाये दइमखु स्व जि न्हापा, छ लिपा लाःगु खः लाकि मखु ?

गणेश- खः बाबाऽखः ।

दुर्गा- अयसा के सा का, छ गन वनेत्यनागु ?

गणेश- छं हे न्हापालाक न्यनन रे रे । हाय् बुत रे रे । हि हि... (इतिइति न्हिली ।)

दुर्गा- बूसा बुतका स्वाःल, छकःला त्यायेहे धुंकल नि ! का याकनं धा, छ गन वनेत्यनागु ?

गणेश- (फुइकेसाथ छाति दायाः) जि बैककय् वने त्यनागु ।

दुर्गा- अहो ! बैकय् ! गुलि दां काःवनेगु ? जि नं वये नु ।

गणेश- बैकय् मखु ह्याज्यः, बैककय् बैककय् ।

दुर्गा- हऽ आम्हे थुइक धाल्य् स्वाज्यः । बैकक धइगु थौकन्हय् धयबा दुषि वनीगुला खःनि, जि जक मस्यूला ?

गणेश- जि नं बैककय् वनीम्ह जुलका सिलला छं ! का
वन, बाइ बाइ, ताताऽ (धाधां बुलुहुं वनी ।)

दुर्गा- क क क, बैककय् छु याःवनेगु छु काःवनेगु छु हे
मघासे छ प्रथे अर्थे वने दइला गय् (लें पंवनी ।)

गणेश- अहो ! (व्वांय् लिहांवयाः घः ज्वनी ।) छं धयाः
तिनि लुमन का । (घः व्यकुं च्याच्यां) बैककय्
जि लःकाःवनेत्यनागु । श्व घलय् जायेक लः
काःवनेगु बैककय् वनाः ।

दुर्गा- घलय् लः छपु कायेत बैककय् थंयक वनेमाःगु का
छं मखुला ! अपायस्कं तःधं जुइधुंगु का छ
मखुला ? वंहे वनेगुहा ...

गणेश- (तस्सलं) मवनी लाऽलय् । छेय् चवंम्हेस्या जा
थुइत लः मदु, हितिइ इवःछू वनेत ई मदु, थ्य
सरकारलिसे त्वायेत ह्याउ मदु, अले लः कायेत
बैककय् मवंसा गन वनेगु लय् जि ?

दुर्गा- (क्वमालि जुयाः) खः खः, छं धाःगु पाय्छि जू ।
वनेमाः हुं, याकनं हुं ।

गणेश- (घः व्यकुं च्यानाः मिसा पहं न्ह्याइ, बाये न्ह्या
धाइ—) पासा, जि वन न्हासा !

दुर्गा- (थिङ्ग गन चवन अन हे दनाः) बाइ बाइ...
(धकि मत्यूतले ल्हा वयेकाचवनी ।)

—ने० सं० ११०२ तछला



झासँ ! झासँ !!

छिकपिनिगु न्हूगु छेँ, अफिस इत्यादि झः झः धायेकेत

यच्चुसे पिच्चुसे चवंगु भिंगु न्हाय्कं माःसा

जिमिथाय् झासँ



त्रिवेणी ग्लास सेन्टर

(बागबजार, फ्रेञ्च कल्चरल सेन्टरया लिक्क)

जिमिसं छेय् वनाः नाप-साईज नं कायेगु याना ।

घडीं धाल तिक् तिक्
वसतं धाल - ल्व.गु पती ठीक ठीक



थौया ईयात ल्वयेक जुइत
छितः मा:मा:गु समुद्रपारया कस्मेटिक्श ज्वलंत मा:सा
जिमिथाय् दुस्व:ज्ञासँ



सेरो फेरो

विशाल वजार, महालक्ष्मीद्यःया न्ह्यःने

छितः च्वसाज्वलं (स्टेशनरी सामान) छु छु मा: थें !

- तःता रंगया मसि, तःताजिया कापी, सिसाकलम, सारागु श्वं खाम न्ह्यागु मा:सां जिमिथाय् दु ।
- छिगु अफिसयात मा:गु च्वसाज्वलं नं जिमिथाय् हे दु, दुस्वः कायेगु ल्वःमंका दी मते ।
- जिमिथाय् चा.चू जक मखु थोक विक्री नं जू ।

लक्ष्मी स्टेशनरी मार्ट

२१, ल्हूसतक, येँ ।

फोन ल्याः २-१२०२३

झी-मदनकृष्ण—हरिवंश—झी-हरिवंश—मदनकृष्ण

(‘झी’ व ‘युगधारा’ या निंति भाजुपि मदनकृष्ण श्रेष्ठ व हरिवंश आचार्यं गुणुहिया लसताय्, बियादीगु अन्तरवार्ता थन न्ह्यव्वयाच्चना । वय्कःपिन्त थीथी न्ह्यसः बियाः थीथी लिसः कयागु खःसां गुलि न्ह्यसःया निम्हस्यां लिसः उथें उथें च्वंवःगु दु । थुकियात वय्कःपिनि नाप्पं ज्या यायेगु इवल्य्, ब्वलंगु चिन्तनया समानताया लिच्चःकथं खंके फु । — सम्पादक)

झी— छिकपि छाय् नेपालय् बुगु दिबागु ?
मदनकृष्ण श्रेष्ठ— जितः बुइकूपि मांबोवि नं नेपालय् हे बूगुलि ।

हरिवंश आचार्य— जिमि मांबो नेपाःमि जूगुलि ।

झी— मेगु देशय् बूगु जूसा आःतकय् छिकपिनिगु अवस्था गथे जुल जुइ ? गुबलसं बिचाः यानादिया ला ?

हरिवंश— जिगु जक मखु मेगु देशय् बूगु जूसा छि— जि सकसिगु अवस्था नं बां हे लाइगु जुइ । न्यनी-पिसं व स्वकुमिपिसं छाति तपफाः यानाः लापा थाये दइगु जुइ । जि नं भ्यमि (श्रोता) व स्वकुमिस्तं लुधकं ह्लीके फइगु जुइ । जितः डी.एस.पी. कार्यालयय् मथ्येसे अनया सोल्टी होटेलय् थपनीगु जुइ, अफिसं ग्रेड क्वकायेगु पौ मबिसे हुनापौ (प्रशासन) छछाइगु जुइ, अग्ले देसं जितः जोकर भाःमप्युसे राष्ट्रया इमान्दारम्ह नोकर तायेकीगु जुइ ।

मदनकृष्ण— मेगु देसय् बूगु जूसा जिगु अवस्था जक मखु रुप नं ऋयद तसकं पाइगु जुइ । गथे — यूरोप पाखे बूगु जूसा सँ सीसी घायाः मिखा वंचु वंचु नयाः धिकः नं तःधिसे च्वनीगु । अफिकापाखे बूगु जूसा सँ गुलिगुलिबिक कुलिकुलि चिनाः खःाः मिमि घायेक हाकुयाः वा दुस्र् थें तुयीगु ।

गथे हे जापान वा चीनपाखे बूगु जूसा सँ ब्रुश थें छेय्छेय् च्वनाः बःचा बःचा धिकः जुइगु । थव खें बि बः बुइन्ह्यः हे बिचाः याये धुवागु उकि हे ला जि झोगु नेपालय् हे बुयागु ।

झी— छिकपि निहा जानाः सरकार चल्ययायेगु घांट याये फुला थें ?

मदनकृष्ण— मफयेमाःगु छु दु ? सराकार चल्ययायेगु ज्या साप थाकु धकाः तायेकादिया कि छु ?

हरिवंश— सरकार चल्ययायेगु ज्या कलाकारया मखु । कलाकारया ज्या ला नाटक क्यनेगु, सकस क्यनेगु, फिलिम क्यनेगु...खः । तर परिस्थिति यानाः चल्यमयासे जि हे मज्यू धकाः जवर्जस्ति यात आःसा ह्वापां गुगु देसया सरकार चल्य-याये माःगु खः, व देसया जनतात मूर्ख मजुसे बुद्धिमान लाकि, सोझा मजुसे हारां लाकि, न्ह्यागु याःसां न्ह्यागु धाःसां सुक न्यनाः स्वया जक च्वनीवि सहनशील मजुसे घायेर्म लिच्चः (प्रतिक्रिया) क्यनीपि जकं खः कि थज्याःकि थज्याःपि जनता खःसा ला सरकार चल्य-यायेगु घांट मदु । तर नेपाःयापि जनतात दुगु देसया सरकार चल्ययायेमाःगु खःसा ला छगु जक मखु छववलं किगु देसया सरकार चल्य-

यायेफु । छायाःसां यज्याःगु देसया सरकार
चलय्याये सिबेला बर साइकल चलय्याये
याफु । साइकल चलय्यायेबलय् ला युखेर
थोला उखेर थोला धकाः छवःपति ह्याण्डिल-
यात जवय्-खवय् हीका चवनेमाः, तर जनया
सरकार चलय्यायेत ला ह्याचाय् ह्याः ववयनाः
मज्जां मेचय् पयतुनाचवसां ज्यू । खुले उखे
मुखे नं मोरय्याये म्वाः, सरकार लप्यंक वना-
चवनी । यज्याःगु सरकार ला जमिसं जक म्खु
सो छवाराया मन् इयेकाः मेचय् पयतुकाव्युसा
व नं मज्जां चलय्याइ ।

क्षी— छिकपिनिगु सरकार दक्किक दकलय् ह्यापां छु
यानादी ?

हरिवंश— ह्यातिइ पावर वल धायेवं यथःथे यानाजुइ
मज्जू । थः पुर्खापि वंगु लंपुहे जिपि न वनेमाः,
नत्त कुलैय् लाइ । उकि जिमिगु सरकार बःसां
भाःथे हे ' मोरा मोर काला ' नीति नालाः
जनताया पीरं स्याप गंसि जुइ । सार्वजनिक,
सरकारी, गुणिया जग्गा, ततःधंगु ठेक्कापट्टा,
लाइसेन्स, प्लान, चान्स, बाइचान्स, थःचिति,
खंगुलु - नगुलु - भजन मण्डली व मेमेपिन्त
द्यनाः द्यनाः लासाय् हे चवकानाः सात दुनां
चौध सात तिया एक्काइस पुस्तायात नये
गाकाबी । इपि नं ला नेपाःमि छः, थ्वहे देस-
या जनता छः, जनताया ज्यूसा देसया जी,
देस भिसा क्षी भिनी ।

मदनकृष्ण— दक्कलय् ह्यापां छिकपि थें जाःपि बेकूक पत्र-
कारतसे जिमिगु विरोधय् छु बांमलाःगु समा-
चार, लेख व कार्टून-किटुन छापय् यानादिल
धाःसा सिरपाः कथं पत्रिका-पत्रिका छापय्
यानाः दुखसी म्वायेक जेलदुने हे दं दं चवने
दइगु बन्दोवस्त यानाबी ।

क्षी— अम्हा छिकपि सरकारय् गुकथं थ्यंकादी ?
चुनाव त्वानाः ज्ञायेलाकि मेगु गुगु कथं ?

मदनकृष्ण— जित्तिजितले चुनाव त्वानाः हे वने, जिहे

वजित धाःसा कुस्ति त्वानाःसां वने । छि
जिमित साप कमजोर तायेका दियागुला
मखुला ?

हरिवंश— चुनाव त्वानाः वनेगु धयागु लुखां दुहां वने थें
खः अले मेगु गुगु कथं वनेगु धयागु इयालं
दुहां वने थें । उकि वनेगुसा चुनाव हे त्वानाः
वनेमाः, तर चुनाव त्वानेबलय् बुइथें चवसा
.....यायेमाः ।

क्षी— छिकपिन्त संभावित स्वंगुगु विश्वयुद्ध पनेगु
जिम्मा लःह्लाःसा छु यानादी ?

हरिवंश— संभावित स्वंगुगु विश्वयुद्ध अमेरिका व रूसया
इच्छाया खें खः । थ्व निगु राष्ट्र मिलय्जुतले
स्वंगुगु विश्वयुद्ध जुइमखु । उकि जितः व
मदनजुयात संभावित स्वंगुगु विश्वयुद्ध पनेगु
जिम्मा बिल धाःसा जि नेपाःया नागरिकता
त्वःताः अमेरिकाया नागरिकता कयाः जि हे
अमेरिकाया राष्ट्रपति जुइमाः । मदनजु धाःसा
नेपाःया नागरिकता त्वःताः सोभियत संघया
नागरिकता कयाः जनया हे राष्ट्रपति जुइमाः ।
अले संभावित धाःगु स्वंगुगु विश्वयुद्ध जिपि
म्वात्तले जुइमखु । बर कार जिम्मा याकनं
बियादिसे, सुयात धाःसा याकनं जुइ थें ?

मदनकृष्ण— थःत माःगु मुक्कं अधिकार मव्यूतले जिमिसं
यज्याःगु जिम्मा गुवसं कायेमखु । जिमिसं माः
धयागु अधिकारया लिसे संभावित स्वंगुगु
विश्वयुद्धयात पनेगु जिम्मा व्युसा संयुक्त राज्य
अमेरिकाया राष्ट्रपतिया पद जि कय्च्याये
अले हरिवंशजुयात सोभियत संघया राष्ट्रपतिया
पद कय्च्याये । अले स्वंगुगु विश्वयुद्ध गुकथं
जुइ जि नं स्वयेनि !

क्षी— छिकपिनि थः काय्म्ह्यावपित छु याये मास्तिवः ?

मदनकृष्ण— छु याये छु याये, स्नेदिसं रे, जितः ला साप हे
पीर जुयाचवन । अंजलाजीम इन्जलाधील धाये-
धाःसां थःगुहे हास्यव्यङ्ग्य कार्यक्रमयात बिक्व
सेन्सर यानाः दुख बी धयागु पीर, प्रधानमन्त्री

माये घासां नं थहे काय्-मह्याय्पिन्त व्यङ्ग्य
यानाः हास्यव्यङ्ग्य दयेकेत थं थहे मछिनी
घकाः ग्याः । डाक्टर याये घाःसां अस्पताल्य
गावक ज्वावःत मदु, पत्रकार हे मायेघाःसां नं
छह्य निह्य फोहरी पत्रकारतसें यानाः नेपाःया
पत्रकार जबत हे फोहर जुयाचवन । उकि देशया
परिस्थिति इमित छु छु दयेकी, व व हे जुइ-
थव्यु । आ छुकिया पीर कयाचवनेगु
नेकार्य ।

हरिवंश - जिमि कलाःया ला काय्यात महात्मा बान्धी
अले म्हाय्यात इन्दिरा गान्धी थें याये मास्तिवः
तर थव जितः छत्ति मयः । छाय्घाःसा नेपाल्य
काय्-मह्याय्पिन्त अज्याःपि थें दयेकां छु
फाइदा मदु, स्वाये नं थाकु अज्याःपिन्त । उकि
जि चाहि म्हाय्यात फूलनदेवी अले काय्यात
गम्बर सिंहें यायेगु बिचाः दु, अले जक इपि
नेपाल्य बांलाक स्वायेफइ ।

की -- छिकपिन्त जीगु देसया थौया अवस्था गथे
ताः ?

हरिवंश - नेपाःया थौकल्ल्या अवस्था बुहेनिइ बहनिइ
सदां थव त्वनाः कलाःयात दाइह्य थवंगुलुया
धर्मपत्नीया जीवन थें च्वं ।

मदनकृष्ण - छुछु याये मास्तिवः वव हे यानाजुइपि पंकसतय्
मखडा थें ताः ।

की -- थौकल्ल्या अन्तरराष्ट्रिय परिस्थिति गथे च्वं
थें ?

मदनकृष्ण - थौ संसारया परिस्थिति ग्यानापुगु खुसिधिया
छगू बस्ती थें च्वं । व खुसिइ अशान्तिया लः
क कन थनानां वयाचवन अने लःदुनेदुने साम्रा-
ज्यवाद, बिस्तारवाद, प्रभुत्ववाद व आणविक
शक्तिया तत धगु लबु ग्वार ग्वार थौं वयाचवगु
दु । व लबु संसाररूपी बस्तीयात हे वाराकवारा
साचवगु दु अले शान्तिया बाँध नं अयास्यां
बय च्वंगु दु । व लबु गुगु नं इलय संसाररूपी
बस्तीयात चुइके फु, थुने (लख्य) फु ।

हरिवंश - वर्तमान अन्तरराष्ट्रिय परिस्थिति दुस्त नेपाः-
या राष्ट्रिय स्थिति थें च्वं । तःमि कन कन
तःमि जुजु वनाचवंगु दुसा चीमि कन कन चीमि
जुजु । बरलाःपि ह्वियं रत्न रत्न वयाचवंगु दुसा
बमलाःपि कन कन गसि जुजु । अले तःधंगु व
शक्तिशाली राष्ट्र खेलाडी जुगु दुसा चिचीधंगु
बमलाःपि राष्ट्र भकु ग्वारा । सकसियां भकु-
ग्वारायात थः थः गु पोष्टय् दुतछ्वयेगु स्वभा-
च्वंगु दु । भकु ग्वारां धाःसा लात जक नन
नन फय् फुक हे ज्वयेकीन ।

की -- गुंपुल्लिया लसताय नेपाली जनतायात छिक-
पिनि छुं वायेगु दु ना ?

हरिवंश - थव देशय् थौं जक मखु सदां गुंपुल्लि । उकि
गुंपुल्लिया लसताय छुं सन्देश बियाचवने माःगु
ना मखु, अय्सां छुं सन्देश बियाचवना ।

शान्तिप्रिय नेपाःमिपिके सहनशीलताया विकास
जक जुजु वनेमा । न्हाव हे कवःसां, झोगु
अधिकार, स्वतन्त्रता, बिचाः, इच्छाय् मनूया
रूप वयाचवंपि न्हायेजाःपि न्हापाय्धिकःपि
द्रहंतसें गःवां तिरिकक तक नमवासें सहयानाः
झी स्वानाचवने ।

गुंपुल्लिया भितुना !

जय नेपाल, विचित्र घर !

मदनकृष्ण - दु, दु, आसे रहे ! जि सन्देश न्यके ।

जि सावहे यःपि दाजु, किजा, तता, केहेपि !

थव १९०५ दया गुंपुल्लिया अति

तःधंगु लसताय सकल नेपाःमिपिन्त दुनुगलं
भितुना ! थव मिष्यलय जि छगू चिकवाधंगु छु
सन्देश न्यके मास्तिवः घाःसा नेपाली परम्परा-
कथं गुंपुल्लियलय च्याव्हतक, थत जूगु अग्याय
फुककं तप्यंक न्हावयाः भलिचा प्रजातन्त्रया
न्हाःने थपकेपुसांतबि मेखेर थम्हं ईख तया-
तइह्य मनूयात आनन्द आतङ्ककारी पाःयानाः
मृत्युदण्ड बीफुगु अवस्था नं वयाचवंगुलि थःथःगु
मे ह्वियाय स्वथना जुयादीसा मि जुइ ।

दकलय् लिपा सकसियां जिमिगु क्यासेट
न्याक्व न्यसां मगायेमा लिस्से क्यासेट डुग्लि-
केट पिकाःपिपाखे नं सुं कंगः लाकाचवने
म्वाःलेमा ।

जय नेपाः, जय नेपाःमि !

श्री-- छिकपि धार्ये हे यमलोकय् थ्यसा छु यानादी?

मदनकृष्ण- यमलोकय् थ्यनेवं श्री ३ जंभवहादुर नापलानाः
हाकनं छक्वः नेपाः मवसे मजिल धकाः विन्ति
याये ।

हरिवंश- थ्यनेवं सम्पादकजुयात नं सःताकाये । भले
श्री श्री जानाः 'श्री' पत्रिका पिकाये मज्यूला
सम्पादकजु ? कि छिहे ह्यापा ज्ञायाः बन्दोबस्त
यानाचववा बी ?

श्री-- थ्व अन्तरवार्ता व्वनाः छहा हे फिसिक्क तकं
मन्हुसा छु धकाः सायेका दी ।

हरिवंश- छाय् मन्हुगु धकाः सीकेत जाच जायोष गठन

ल्याःकासाया लिच्चः— १) छाय्धाःसां थ्व विष [२०] खः । २) छिनु न्ह्यःने चाख सौ बीस दं बइ । ३) २-५-१०
-२०-५०-१००-५०० व १००० छाय्धाःसां थ्व अङ्क नेपालय् पिहांवयाचवंगु नोटया अङ्क खः । ४) -५५५ छाय्-
धाःसां थ्व संसारय् नांजाःगु चुरोटया नां खः । ५) १ निसि १२ तक छाय्धाःसां थ्व घरिया अङ्क ६) ११ यात २ नं ।

याये । व मायोग व्यूगु रिपोर्टंवात जनताया
न्ह्यःने महसे दुने दुने हे सुचुकाः वांछवया बी ।

मदनकृष्ण- थ्व विषयय् जिमिसं छुं नं तायेकेनखु ।
हिलेगु धयागु थःथःगु अधिकारया खे खः ।
उकि थ्व विषयय् जिमिसं व्वेमिपिस्त पूर्ण
प्रजातन्त्र बी ।

श्री-- छिकपिन्त सुभाय् !

मदनकृष्ण- न्ह्यसःया रूपय् 'सुभाय्' धइगु जि गुत्तं
न्यनगु मदुनि । उकि थुकिया लिसः छि थम्हं
हे बियादिसिं ।

हरिवंश- छु यायेत सुभाय् ? 'सुभाय्' बियां छुं न्याना-
काये फइमख् थें । 'सुभाय्' बियाः छुं न्याये-
ज्यूगु जूसा माःतकया दुने जिपि नेपाःया
स्मगलरत सिबय् त.भि जुइधुकल जुइ । उकि
'सुभाय्' या पत्सा ला वइ 'धववा हे' बिया
धूसा ज्यूगु !

भिगु ! बांलाःगु !! स्थलाःगु !!!

छु हं ?

रेडियो, ट्रान्जिस्टर

लः सालेगु पम्प, मोटर

बिजुलीया ज्वलं

गन न्यायेगु थें ?

राइजिंग इन्टरप्राइजेज

गुरुपथ, येम् ।

फोन न्याः— २-१२४०६

हलू न्यानाः ख्ये य पवसा

— मल्ल के. सुन्दर

माक्व दां पुलाः नं धाक्व मवइगु जमान य् गीःक्क
पवसा कायगु खें सर्गतं दुरुवा गाइला धकाः आशाकुति
पुइगु यें खः । उकिसनं 'हलू न्यानाः ख्ये पवसा' ! छुचं,
ध्व, हिम्बय् रंगं छिनाः हलू धकाः के, तरकारी म्हापुसे
च्वकाः सलवाः कया च्वनापि जी ! हलू न्यानाः हलू हे
मवइगु इलय् ख्येया खें, उकिसन पवसा । न्यनिपि सुनां
अक थुक्रियात सिमसिम महाराजया पालयया खें धकाः
मघाद । न्यनेबले हे इलं ल्हाये धुकूगु, किलं नये धुकूगु
बें च्वंगु खें ।

तर, खें अथे मखु छि ! न त थ्व इल ल्हाःगु खें
खः, न त किलं नःगु खें खः । रोगी जूसां योगी जूसां
'भिक्षां देही' धकाः पवं जुइमाःगु संस्कार दुग कीग समा-
चय् छुइ मज्यू, हेके मज्यू, झंगः लाय मज्यू तर पवने ज्यू ।
बाहे हिन्दू जुइमाः वा बौद्ध झीगु धर्मशास्त्रं भिक्षा पात्र-
यात प्रापालं मू बिया तःगु झीसें मज्यूगु खें मखु । पवनाः
हे वामन अवतारं बलिराजाया साम्राज्य ल्हातय् लाकल,
पवना हे श्री कृष्णं कर्णया अजय् कवचयात त्वक्ल । उकि
पवना पवसाया रूपय् खें छगः निगः ल्हातय् लाइगु खें
अजू चायापूगु मखु । थुक्रियात सिमसिम आजुया खें धकाः
म्हान्नाः मानो सत्य युगया सहकाल हे खःला थें बय बय

याये माःगुनं मडु । थ्व सहकाल वा अनिकालया खें मखु ।
मःसा अनिकाल बले न छः धकाः तयाः ग्वाय दु । मसःसा
सहकालय् न गक्का व काः तया जक सी मालेफु । थ्व ला
योग्यता अमताया खें खः कला कौशलताया खें खः । मखु-
मा थीं झीसें गगु ईयात कलियुग धकाः धया जुया थ्व
इलय् सारा का सारा छह्य हे मलयंक नये, त्वने, पुने मखना
र्यू व कयं जक जुयाः कवंचा कयं कानि मार्कि जुइमाःगु
मखुला ? सकलें फच्चाय व बल्चाय धेकेग्वारा थें ग्वारा-
ग्वारा चिने माःगु मखुला ? नत्र थ्व स्वयं हे ब्वाइलर
का व विकास फ थें दांग्रा दांग्रा मिनूत व अमराशति थें
च्वंगु महल, हवेनी गनं दत ? कलियुगय् नं सत्ययुगया
सुच सुविधाया सवाः वायेगु अवसर गय दत ? तथागत
बुद्ध धया बिज्या थें झीगु स्वर्ग न थन हे दु, नत्रक नं
थन हे दु धंगु खंयात थुइके मफया जक झीसें थःन अमागी
तायकाः सिमसिम आजुया खंयात सत्ययुग धकाः खंका
च्वगु खः । सयेंके जक माः जवरजुती यानाः मदइगु
ख नं पवनेवं दड । पवं वःपि जक दःसा थःगु छ्यो व फलाः
याना फायाः बीनि बिषन्तर थुइवःनिनि संस्कार घानाः
म्हाना च्वगु कीगु सम जय् पवनेगु व पवनेगु बीगुया
महिमा अवरम्पार । जुइफु युग कथं गच्छें पवनीपि उच्यः

जुड़फु, गब्बे पत्रने बीणि उच्छय फु । थो अंतररट्टिय
 दकुती लेंचः फयाः जिल ला, तपु ल हें हवयाः जिल ला
 जीसे बेशिक सहयोग, अनुदानया नामं राष्ट्रिय स
 पवना जुयागु खेयात छु धायेगु ? छु थव हलू न्यानाः खे
 पवसा' स्वयां कम खः ला ? हलू न्यानाः पवना हइगु खे
 थलें छपा खेयो वयफु । छम्हेसिया प्वाः थनेत हे मगभु ।
 तर स्वयां दिसं थो बिश्व प्यकालें च्वनाः राष्ट्रिया नामं
 च्वना हःगु सम्पतिगी करामत ! गुनिखे मनू दाः खानाः
 प्वात्या प्वात्या । खां खां के । थलें रवः मोटर । सेक
 विगदया विदेशी वैश्य शरणथा तकं चने माले च्वन ।
 छु थव सत्ययुगय कठोर तपस्या यांना प्राप्त जुहगु देवीक
 बरदान स्वयां कम खः ला ? थुकियात 'हलू न्यानाः खेय
 पवसा' जक धयां गाः ला ? वस्तुथय थव ला हलू न्यानाः
 खेय पवसा' मखसे 'खेय थवकीमह हेंग हे पवसा' खः । वनं
 थलें रवः लू खेय थवकीमह हेंग ! सही प्रथय 'हल
 न्यानाः खेय पवसा' कायेगु परम्पराया थव विकशित हा
 खः । जीगु पवसा कायेगु कारोवार ऊ झं च्वन्हाना वंगुया
 चि खः थव । गोम्प न्यानाः छम्प पवसा काये दारि की,
 क्षीत पत्रनेगु प्रकृतिइ गबं मदइगु न गथें ? शायद उकि
 हे जुइ की दुनुगलं तुना थें थो नेपाः विषयया दकले चीमिगु
 देतय् घलखय् १० गू न्याखं ५ गू गुलि व ५ गू लयाखं
 ३ गू गुलि न्याः वना च्वगु । याकन क्षीगु नेपाः दकले
 चीमिगु देतय् घलखय् दकले न्याः ने हे लासा गुलि जिइगु
 जुइ । थो 'हलू न्यानाः खेय पवसा' कया च्वनागु थामय
 छुं छं हे मन्यासे खेय जक मखु छेय बुं हे पवसा काये
 दइगु ख.ला ? थथे जूसा आः महलय च्वनाः अमरावतिया
 सुख कया च्वपि छपुचःयात सां स्वर्गय हे वनेगु लेंपुवाला
 वनी ला ? उकि हे ला खः थो नं जीसं 'हलू न्यानाः खेय
 पवसा' कायेगु खेयात थुपायच मू बिया च्वना । ➤
 (लेखकया थःगुहे व्याकरण कथं)

पैरोडी :

वारि लु-वह पारि खेय्वः

(वारि मथ्यं, पारि मथ्यं)

—भूषणप्रसाद श्रेष्ठ

वारि लु-वह, पारि खेय्वः खुसिइ लः थें व्वाय्वः

यः ज्यानमाया !

गलि मथ्यं, छर्चलि मछि, पलि जूसां बयेला

यः ज्यानमाया !

न्यासः तोला लुत्याः ज्वनाः बैककं वल रे छ ला

बैककं वःगु मखु बैक ज्वना वःगु रे

यः ज्यानमाया !

स्वयं खुया चश्मा तयाः, चश्माय् दुने हिरा दयाः

जवखवं भिद्यः छाःगु जिन खंका कया रे

यः ज्यानमाया !

छगू लाखं मगाः छन्त, छंगु लाख माल रे जितः

बी-मन्नी घन्दा मखु, खंगु फन्दा जुल रे

यः ज्यानमाया !

वारि लु-वह पारि खेय्वः छन्थाय् यवव द्वांवः रे

यः ज्यानमाया !

ऊयालं मछि, प्वालं मन्हये, गतं वये छन्थाय् रे

यः ज्यानमाया !

परिचर्चा

न्यायतः - "छगू इलय सरकारयात कुं बिनाः ख्यालः भित्तुपि कलाकारत मध्ये
छहा छ नं छः" धकाः जवःसा छि छु याये ?

केशव साय्मि-

'मुना सः' या ग्वसालय् जूगु न्हापांगु ख्यालः प्रतियोगिताय् न्हापलाःगु ख्यालः "तां ति ग्वःजा" व निक्कःगु
ख्यालः प्रतियोगिताय् न्हापयां ल्यु लाःगु ख्यालः "बिखांमुगः" या कलाकारया रूपय् नेपाल भाषाया ख्यालः दुबुलिइ
ख्यालः ह्यितागु ई शायद जिगु निति थःत ल्वःमकां नं ल्वःमके मफइगु ई खः ।

जितः थ्ये ताः- ख्यालः समाज व सरकारया कुं बिनाः जनतायात सचेत यायेगु छपु तप्यंगु लेंपु खः । थ्व लेंपु
लिनाः मनुखं थ गु असन्तोष क्खंगया रूपय् व्यक्त याइ ।

थ्व ला जुल न्ह्याहसिनं थूगु खे । थ्व खे थूहा सरकारं आपत्तिजनक ख्यालःयात गुल्लसं थाय् मव्यू । उकि
न्हापांगु खे, छगू इलय ह्यितागु ख्यालःयात कयाः सरकारं ज्वं बइला धयागु शंका आकास कुतुंबयाः ल्हाः बइला
धयार्थे जाःगु चित्तासू थें जक खः । यदि छुं गथे ज्वहे व.सा बिस्व जुइमाःगु वा सुला जुइमाःगु खेहे छु दु ?

संघर्षतन शाक्व (यज्यू)-

हाकुयात हाकु धाये मज्यूसा तुयूयात नं तुयू धायेमज्यू । गघायात गघा धाये मज्यूसा सलयात नं सल धायेमज्यू ।
हाकुयात हाकु गघायात गाघ धयं ज्वनायंकूसां जितः ज्वनायंकूसां ज्वनायंकल । छितः ज्वनायंकूसां ज्वनायंकल । जितः
ज्वनायंकूसां ज्वनायंकल धायेमखु, छितः ज्वनायंकूसां ज्वनायंकल धायेमखु । बरु छगू इलय ख्याल जक कुं बिना,
धा ला धाके कुं बिने ।

आर० के० निमेल-

थौया सरकारं जितः ज्वनीहे मखु, जि ख्यालः ह्यिताः उगु ईया सरकारया कुं बिनागु दुस्सा थौया सरकारं
जितः सिरपाः जकं बी का ! छाय् धाःसां जि उव्यलय्या सरकारयात कुं बिनाः मखा थौया सरकार थौया थासय्
थ्यनेफत । यदि थ्व खे ल्वःमकाः ज्वहे वल धा.सा जि हानं मथेहे ख्यालः भित्ताबी का ।

प्रकाश ब्रज्जाचार्य-

मेगु इलय सरकारयात कुं बिनाः न्ववाइपि भू. पू. सरकारीतय्कत ला मज्वं धाःसा जितः छु न्हासं ज्वनी ? ।
मय्ला धाये फुगु मखु-न्हाय् हे मडुपि अपि ! मम्पादक भाजु (सरि, पउचित्ताजु), जिगु छेय् हारां ह्यिचा दु
धकाः छकः कनाग्यु रे, प्लीज !

जि मुगलान वनाबलय

—श्रीकृष्ण 'आणु'

गन ये मस्यु, जि सरासर वनाचवनागु । छम्ह मन्
—द्वाराक वया: ले पंचल ।

— गन कायेगु छि ?

— स्वयं वनेगु ।

— छि उखे काये दइमख ।

— छाया ?

— यनं उखे कायेत छयबा पुलेमा: ।

— छयबा ! गथे, छुकिया छयबा ?

— नेपाल राष्ट्र बङ्क्या छयबा ।

— छाया लय, जुइत नं छयबा पुलेमा: ला ?

— उखे कायेमा:सा खुरूक छयबा लिकयादिसं मखुसा
लिहाकासं ।

— मखु, गुबलसंसिसें छयबा पुलेमा:गु ? म्हिग: म्हीगतक
सुरूसुरू जुयागु ले !

— छि अयसा म्हिग: म्हीग नं स्व लं जुइधुंगु का ? !

— धुन नि ।

— अयसा म्हिग: म्हीगया छयबा नं लिकयादिसं ।

— गय ! सुरूसुरू जुवाचवनागु लेय, छयबा पुलेमा:गु
ला ?

जिनि निम्हसिया दयुइ अथे गाईगुइं खे नित ।

जिता जूगु अन्याय खे पञ्चभलादमीतयत कना ।

— भाइ, आम्हे अन्याय जुल, अन्याय जुल घका: हालो-
दीमते । बरु अन्याये, अन्याये घका: हालाजुइगु
बेस ।

— छाया अन्यायेगु ! सुयात अन्यायेगु ! जिं छुं
द्रंका त्यकागु ला मदु ।

द्रंके नं स्वा:, स्यंके नं स्वा: यन, पला: पला: पतिं

छयबा हला जुइमा: । इमिगु खे चित्तय् मल्लया: त्वा:नाय:-
थायाय वना: पीरमकांसा मे हाला । त्वा:नायल सहानु-
भूति तया: अथे घयादिल—

— छि वयात अथे ले पका: यनातये मज्यगु ।

— जिं यनातयागु मखु त्वा:नाय:जु, बहे दनाचवंगु ।

— भासं हुं, ग्यानादीम्बा: । पना च्वंहेसित गतुक प्यंका:

छिगु लेय सरासर कासं ।

— लेय घचीक हे पयतुनाचवंगु हु ।

— बहे ला घयागु, ग्यानादीम्बा: घका: ।

— आ: छ त्वा: हुं घयादियागु ला ?

— आथे मल्लया नं जी ला ! ?

— लेय जुइत न त्वा:ना त्वा:ना जुइमा:गु ग्या:गु थाय स्व
त्वा:नाय:जु ! छि घक: थासय झाया: खगु आख:
मिग न्वा:ना बियाद्या जित: जूगु अन्याय तनी ला !

— हुंहुं भासं, ग्यानादीम्बा: । जिं घयाथे घचीक च्वना-
च्वंहेसित गतुक प्यंका: कासं, ख हे फइया !

— मखु त्वा:नाय:जु त्वा:ये न्हा:पिनि ला त्वा:ये यत्तले
त्वा:ना: दाये यत्तले दाया:, लिगतय छियाय हया!
मेलांमलाप यायेहेइ । आ: जि त्वा:ये न्हा: घया... ..

— छि ग्याये मज्यु घया, ग्याये मज्यु ।

— छि ग्याये ज्यूलाऽले !

— जि ला भचा भचा ग्याये मा: । त्वा:नाय: जुया: अथे
उखे थुखे त्वा:येयाय हालेयाय जुयां इज्जत च्वनीला
जिगु ! हुं ग्यानादीम्बा: भसुक हे प्यंकादीसं ।

वयंका: खे न्वा:ना: जिगु नुगलय खे बाल-पञ्च
भलादमीं दु, त्वा:नाय: नं दु, लयस्व:सा हलमूल, इरु थुरु
जू दु तर अन्यायया खेय सुयातं च्यूना: मदु । स्व गगु पती
देश लत ये ! जिगु देश नेपा:, जिगु देशय ला जुजु दु ।
स्व घटना ला नेगलय खइमख । नुग: चीमफया: जि
काचावाचा न्वा:ना—

— त्वा:नाय:जु ! स्व गगु पती थाय लात ये ! ? स्व
थासय जुजु दुगु ला ख: ! ?

— जुजु नं दु लानि न दु । भाजु नं दु, मयजु नं दु । स्व
थायया ना न्हागुहे जूमां सुयातं लुं च्यूता: मदु ।
न्येहे मास्तिव:सा न्यं, स्व थायया नां मुगलान ख: ।

त्वा:नाय जुया खे ग्यंय, मुगलानय वया: अन्याय
जुल घका: उखे थुखे हानागु खे लुमपुमं जि य: खना: थ.हे
हिले मास्तिव:ल, इतिइति हिला । न्हयु-न्हयु जित।
मखा से च्वन ।



या धापू—

लयतायाः यानां घोषणा !

“नेपाल भाषाया गुगुनं साहित्यिक पत्रिका इत्यु
इत्यु पिहांमवल; सम्पादक, प्रकाशक, व्यवस्थापकत सकल
भुस्यः जुल, नामदं जुल” — यकाः छद्मस्वां मखु यदव
यनवस्थां घवाज्म घायेदयावंगु दु ।

इत्यु—इत्यु साहित्यिक पत्रिका पिदनेमकुगुया
कारण स्याः भति नं बृहे ह्युपिसं—“जिमिसं इत्यु पिकया-
नये” — यकाः छद्म—निगु पत्रिका विकया नं स्वत, तर
बःगुहे प्रेस दुपिसं नं इत्यु पत्रिका पिकया नयेमकुत; दां
दुपिसं नं मकुत, जो दुपिसं नं मकुत । यका नं यमस्या
बालाक मयुनिपि यकातायःत— “जिमिसं इत्यु पत्रिका
पिकयानये” — यकां यकां पहलं उखे छुखे यकां यकां यकां
दयावने । यकाःपि विचारातयु कामासिदुप्याः यकाः यकाः
मायां यकाः जिमिसं पोवा ह्याइपु—नखःया जयताय उजाःपि
सम्पादक, प्रकाशक व व्यवस्थापकतसे पत्रिका पिथनाः
जसका पत्ता अपजस मले ठक्कर लिसे हण्डर नये स्याःले-
यमा यकां विचालं नेपाल भाषाया साहित्यिक पत्रिका
सुबालाक इत्यु इत्यु हे पिथनेत मदयेक मगाःगु छद्म—निगु
मूमूर्खे अन न्ह्यपनावने । का सीकाविसं—

१. नेपाल भाषाया साहित्यिक पत्रिकात इत्यु
इत्यु पिदनावंगु प्रेसया कारणं मखु, भवतं यानाः नं
मखु, दामं यानाः नं मखु ज्ञानं (महोति) यानाः नं मखु ।
पत्रिका पिकायेत माःगु मूज्वलं साहित्य जूगुलि उकिया
मगाःमवाः नं पयामु—छद्मासु पहः मदयेकेत, मजुइकेत
नेपाल भाषा साहित्यया निरन्तर उत्पादन यानावनेगी
छद्म ‘साहित्य कारखाना’ नोस्वने माः ।

२. यकाःगु ‘साहित्य कारखाना’ पिदनीगु साहि-
त्यया मू कवःछिनाः, सम्पादक—प्रकाशकतयु बावश्यकता व
व्यमि—स्वमितयु साहनाकथंया गुणस्तर मले विविधता
कायम यायां उकिया विक्री-वितरण बालाक जुवावने माः ।

यथे जुल यकाः नेपाल भाषाया गुगुनं साहित्यिक
पत्रिका वंस्वचं कयाः सिना वनेमालीगु यका पितिपिति पनाः
पना वनेमालीगु यकाया आः ये गुगुनं हालतयु नं मजुमखु ।
यव खं जिमिसं यका मखु, छिजपिसं वा सीपिसं ह्यागु
विषयाः नं पा.फयेकाः घायेकुगु यं यका ।

३. मेगु खं—ह्यामय हे लखपति करोडपति जसो
नेपाल भाषाया साहित्यिक पत्रिका छद्म न्यानाः वा ग्राहक
जुयाः वा उकियात विज्ञापन विषया मन कदसायेकाः
वनेनोपि वा स्वाहालि घाईपि हनप-सजय छद्म-निगु जक
खने दयावंगु दु । नेपाल भाषाया धुरधुर साहित्यकार
जुइमा, नेपाल भाषा वंकीति प्राध्यापक वा शिक्षक जुइमा,
नेपाल भाषा स्वनावखेपि विद्यार्थी जुइमा वा नेपाल भाषा
प्रेमी घायेकाव्यपि हे जुइमा, सुनातं नं पत्रिका न्यानाः
ग्राहक जुयाः वा मेगु गुगुनं कथ पत्रिकायात भदिवक स्वाहालि
यानावने घवाज्म सतिह तयेमकुनि । छद्म-निगु नुगः
छवःदःपिनि स्याः यत तयावने मखि ।

४. उकि नेपाल भाषाया साहित्यिक पत्रिका सदा
सुबालाक पिकयावनेगु यका नेपाल वंज्जुय, सां
वाणिज्य वंज्जुय, सां, सरव वंज्जुय, सां स्थीस वंज्जुय, सां
पत्रिका पिकायेत माकव स्वाज वइकथंया दां छं मियां

जिल्ला, बुट्टी मियां जिल्ला सर्व्व मियां जिल्ला बा
 न्हागुसां मियां जिल्ला, मियां: मुकातये फरेके या: की
 सम्पादक व प्रकाशकतसे। छाया:सां हल्य हल्य पत्रिका
 पिदनेवं हे ग्राहक मदया:, न्याइपि मदया: वा थिका:
 काइपि व पच याइपि अन्व: जुया: पत्रिकाया हाल बेहाल
 जुइय:।

५. अथे ला यथे जुइकेगु सिब्य नां जा:पि वा
 मजा:पि भाय् ह्यापि वा मह्यपि सकसितं पत्रिका पिह्ना-
 वयेवं छगु छगु सितिकं सितिकं छेब् छेब् थ्यंका-
 बिया: पत्रिकाया सम्पादक- प्रकाशकतसे सकसियां हाइ
 हाइ घायेकेगु नं बांला:गु ज्या जुइकु।

६. पत्रिका मियातइगु पसलय, ग्राहक दयेक:वइगु
 ल्हापं पाय्दय् व 'अगु न्याना बियादिस' घका: इनाप याना-
 तइगु विज्ञापनय् मिखा मवंपि वा मिखा वसां नुग: मवंपि
 अर्वात् य:याय् पत्रिका सितिकं थ्यनच्चंगु मखपिसं दकलय्
 अन्व: 'पत्रिका पिहामव: खनि का हला?', 'पत्रिका हल्य
 हल्य पिमदका हला?' 'पत्रिका दिनाच्चंगु तादत थें
 हला?' घयागु न्हास: तयेगु यानाच्चंगु दु। उकि उन्व:पि
 हनेवहपिन्त नं नाजवाफ यायेत पत्रिका सितिकं इनेगु अले
 छम्ह निम्ह धयवा मदुसां नुग: मस्या:पि ज्ञायाविद्युके जक
 ल्हाप कायेगु याना: फुकं पत्रिकाया प्रकाशक व्यवस्था-
 पकतसे पत्रिकाया बजेट दयेकेगु यायेमा:। यथे यात घा:सा
 नेपाल भाषाया छुं नं पत्रिका गुगुं हालतय् नं याइमखु,
 दी नं मखु। थ्व खें जिमिस भुतु वां खाना: घायेकु, ल्हा:
 बस्वाना: घायेकु।

उकि पत्रिका पिक्काच्चपि व पिक्कायेत्यपि सकसित
 जिमिसं च्वय् घया खें याना: य:यागु पत्रिका सुयां लाकेत
 करजोरि बित्ति यानाच्चना। लिसें दकलय् ल्हापं थ्व
 ज्या 'की' परिवारं यायेत्यनागु खंया घोषणा लयल्यतां
 सकसियां न्हा:ने नं ल्युने नं यानाच्चना। सुभाय्!

थ: खना: थ:हे न्हिलवल --सूर्यबहादुर 'पिवा:'

जित: ब्रह्मां स:ता: बयाविज्यात-- 'ए पिबया: !
 मनू जुनि कया: मर्त्यलोकय् जन्म का:वनेगु मोका छन्त
 व:गु दु। छं पृथ्वीइ गुगु मुलुकय् जन्म का:वनेगु मन दु
 घा: वा। छन्त अन मनू याना छवये।' "

गन मनू जुया: जन्म का:वसा ठीक जुइ घयागु
 सीकेत पृथ्वीपाखे चा:हिउ वना। त्वाक्क उगु बज्जतय् जि
 वो हरिवहादुर व जि वां मैना ला:हिउ व:पि नापक्यत।
 खें खें जुल। अले जि घया-- "जित: पृथ्वीइ मनू जुवा:
 जन्म का:वनेगु मोका बयाचन। गुगु मुलुकय् जन्म
 का:सा बेस जुइ घयागु सीकेत पृथ्वीपाखे चा:हिउ
 बयागु छ:।

यथे घयावल्य जि वो हरिवहादुर घयाविज--
 'नेपा: तस्सकं हे बांला:गु व ह्यायाइपुगु देय् छ:। शिव
 महा:घया देश जूगुलि थन हिमालय दु, यक्क वन जङ्गल व
 खसि दु। उकि सा:हे हे न्हाइपु। अन हे जन्म का:
 झारें।

अले जि घया-- 'अय्सा छिकपि हे मां वो जुया:
 जित: जन्मय् याना बियादिसं।' "

अले घात्येंगु नेपा: खन। अले जित: खन-- नेपा:
 थवे बहगु पाय् ला ख: खनि। नेपा: हिन्दूतय् तपोभूमि
 व देवभूमि जूगुलि न्हाभव मभिगु ज्या या:सां घ:या छक:
 नां कायेव व मनू सा:हे हे भिम्ह जूबइगु खनीवल्य जि
 य: खना: थ: हे हिलेमास्ते बइगु।

स्वये बांला:गु जक मखु स्यल्ला:गु हे खः !



Not just good looking, tough.

जातं जा:यां रंग-रोगन जिमिके दु
लुमंकादिसं



रेन्बो पेन्ट्स

असं-कमलाडि, ये, नेपा: ।